



सानसेयारि 'बड'सा' खरीरालाइयाव  
समाज्यादि जिउजो लोखा थावाय रायथाय, ब्रह्मथाय,  
सल', सल'बाथा आरु देवबायादि थावनि, पार्क  
बाइदिनि सायाव लिउनाय लिउबिबां देथाय हरु!  
सानसेयारि 'बड'सा' खरीरालाइया खेबखानाबे  
फोसावगोन!  
बड'सायाव लिउठरनायि हुबा खालाम,  
'बड'सा' खरी नोथां, जो बयबो आंगो खालाम!  
सानसेयारि बड'सा मावखुनि  
माइवं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Wednesday ★ 13 November, 2024 Kokrajhar, BTC, Assam ★ Vol.-34, Issue No.226 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## दिनै मोन 5 बिधान सभा बियाबाव उफ्रा बिसायख 'थि खुंगोन

गासै सा 9,09,059 भटारफोरा गावसोरनि बेसेन गोसा भट होगोन

दिसपुर, 12 नभेम्बर: हादतनि बिसायख 'थि आयगआ आसामनि धलाइ, चिदली, बडाइगाव, बिहालि आरु सामगुरि बिधान सभा बियाबाव खुंनो गोनां उफ्रा बिसायख 'थिनि भट सोनाय हाबाफारिया गाबोन एबा 13 नभेम्बरखालि खुंजागोन होनानै फोसावदों। 13 नभेम्बरखालि फुनि 7 रिगानिफ्राय बेलासिनि 5 रिगामिम भट होनाय हाबाफारिया सोलिगोन। भट होग्राफोरा गाव-गावनि आधार कार्ड, पेन कार्ड, बैंक एबा पस्ट अफिसनि फट' गोनां



पासबुक, ड्राइभिं लाइसेन्स, फट' गोनां पेन्सननि फोरमायथि, सरकारि सिनायथि लाइ बायदि (मोन 12 सिनायथि लाइनि जायखिजाया गांसे) लोयोवाय लानानै भट होनो हागोन। आसामनि गाहाइ बिसायख 'थि बिवागिरिआ मिथिहोनाय बायदिबला मोन 5 बियाबनि भटारफोरनि अन्जिमाया फारियै धलाइ (एससि) बियाबाव - सा 1,96,772, चिदली (एससि) बियाबाव सा 2,17,183, बडाइगावआव (□ 6 बिलाइआव)

सिंगापुरनिफ्राय डा: ग्वेनदलाइन लाइआ आसाम आइन आफादनि बुंथिगिरि बिस्वजित दैमारिखौ लोगो हमफैदों



गुवाहाटी, 12 नभेम्बर: सिंगापुरनि डा: ग्वेनदलाइन लाइआ गावनि फिसाइ डा: भेनसेन्ट येबजों लोगोसे गुवाहाटी दावबायफैनाय समाव आसाम आइन आफादआव दावबायहैनानै बुंथिगिरि बिस्वजित दैमारिखौ लोगो हमदों। मख'नाय जायोदि, डा: भेनसेन्ट येबआ आसामनि मिशन स्माइल (□ 6 बिलाइआव)

14 नभेम्बराव टिडिएम ब्रह्मपुत्र काल्सारेल एकाडेमिनि बान्जायनायाव रंगोथि जौगाखां आफाद खुंगोन

कलाइगाव, 12 नभेम्बर: फेगौ 14 नभेम्बरखालि गथ'सा साननि मख'जाथाव सानावनों विटिआर उदालगुरि जिल्ला कलाइगावनि गोजौ थाखोनि टिडिएम ब्रह्मपुत्र काल्सारेल एकाडेमिनि गोखों (□ 6 बिलाइआव)

कक्राझारआव लामानि जाब्रबथायाव सा 50 खौरांगिरि जोखोम



कक्राझार, 12 नभेम्बर: कक्राझार जिल्लानि भारत-भुटान सिमना झारबारि गोजौ फरायसालिनिफ्राय खौरां बुथुमनानै कक्राझार सहर फासं फेबाय थानाय समावनों दिनै बिसमुरि सनापुरनि खाथियाव कक्राझारनि खौरांगिरिनि मोनसे हान्जाया लामानि जाब्रबथायाव जायो। मख'नो गोनांदि, दिनै (□ 6 बिलाइआव)

दिमा हासावनि मावख 'गिरिफोरा समबाय मडेलफोरनिफ्राय सोलोनो थाखाय बड'लेन्डआव दावबायफैदों

कक्राझार, 12 नभेम्बर: दिमा हासाव, हाफलनि समबाय बिधाननि मोनसे सा 13 सोद्रोमनि थान्दे हान्जा आरु लार्ज एरिया माल्टि-पारपस ससाइटि (लेम्स) सि एस लिमिटेडआ साननैनि हाबाफारिजों बड'लेन्डआव दावबायहैदों। बे दावबायनायनि थांखिया बड'लेन्डनि जाफुंसार समबाय



आफाद आरु फालांगियायि मडेलफोरखौ फरायसनाय आरु गियान लानाय। आइरिनि लाहं, एसआरसिएस (ए) नि दैदेन्नायाव थान्दे हान्जायाव गाहाइ मावख 'गिरि आरु ब%र्डनि सोद्रोमाफोर दं। बिथांमोननि दावबायनाय हाबाफारियाव उफ्रा रेजिस्ट्रार (□ 6 बिलाइआव)

बाक्स जिल्ला बर' थुनलाइ आफादआ बर' सुबुं थुनलाइनि अजा सुकुमार बसुमतारिनि थैनाय सानखौ फालिनो खावलायदों

मुसलपुर, 12 नभेम्बर: बाक्स जिल्ला बर' थुनलाइ आफादआ बे बोसोरनिफ्राय मुसलपुर महकुमानि सिडव थानाय मोनफ्रोमबो गुदि बर' थुनलाइ आफादखौ 14 नभेम्बर खालारखौ बर' सुबुं थुनलाइनि अजा सुकुमार बसुमतारिनि थैनाय सानखौ फालिनो खावलायदों। मख'नो गोनांदि बर' सुबुं थुनलाइयारि अजा सुकुमार बसुमतारिनि थैनाय सानखौ 2006 माइथायनिफ्रायनो बरमा गुदि बर' थुनलाइ आफादआ



सुकुमार बसुमतारिनि सायाव सावराय जथुम आरु थुनलाइयारि बादायलायनाय

हाबाफारिफोर लानानै खुं'बोगासिनो दड। सोलिफु बोसोरनि 16 नभेम्बरखालि बरमा हिन्जावसा गोजौ फरायसालिनि अडिट 'रियामाव बर' थुनलाइ आफादनि सानाव बर' सुबुं थुनलाइनि अजा सुकुमार बसुमतारिनि गोसोखांथियाव बिधानि सोमोन्दै खन्थाइ आवसयनाय हाबाफारि लानाय जादों होना देडवार रामसियारि आरु कुलराम ब्रह्मआ रबिबाराव बुदों। खन्थाइ आवरायनो गोसो गुदुं खन्थाइगिरिफोरखौ बिथांमोना खौरां लानो खावलाय हरदों। (□ 6 बिलाइआव)

बड'लेन्ड महत्सबआव बाहागो लानो थाखाय आसामनि गुबुन गुबुन जिल्लानिफ्राय 5,000 नि बांसिन सुबुंफोरा दिल्ली फार्से रावना होलांबाय

गाहाइ मन्थि नरेन्द्र मदिआ 15 नभेम्बरखालि बेलासिनि 6:30 रिगायाव बड'लेन्ड महत्सबआव बाहागो लागोन

कक्राझार, 12 नभेम्बर: बर' हारिनि राव, थुनलाइ आरु हारिमुखौ हादतजों लोगोसे दुलाराय मुलुगआव गोसार होनायनि गुबै थांखिजों दुलाराय बर' फरायसा आफाद, बर' थुनलाइ आफाद, दुलाराय बर' हारिमु आफाद आरु गान्धी हिन्दुस्तानी साहित्य सभानि जुथायै बान्जायनायाव हादतनि



राजथावनि गोदान दिल्लीनि साइ इन्दिरा गान्धी स्टेडियमआव 15 आरु 16 नभेम्बरखालि साननैनि हाबाफारिजों गिबि खेबनि थाखाय खुं'नो लानाय बड'लेन्ड महत्सबआव बाहागो लानो थाखाय आसामनि गुबुन गुबुन जिल्लाफोरजों लोगोसे सोनाव (□ 6 बिलाइआव)

भुटान-भारत लोगोआरि गौथुमआ माराथन हाबाफारि खुंदों

कक्राझार, 12 नभेम्बर: भुटान-इन्डिया फ्रेन्डसिप एस 'सिएसन (बिआइएफए) एबा भारत-भुटान लोगोआरि गौथुमआ गावसोरनि गायसन्थाइ सान फालिनायनि लोब्बायै दिनै भुटाननि नामलांआव भारत आरु भुटाननि लोगोआरि सोमोन्दोखौ गोखों खालामनायनि मोनसे नेसोंन



महैरै मोनसे माराथन खारनाय हाबाफारि बान्जायदों। दिनैनि बे माराथन खारनाया बाक्स जिल्लानि सिमलानिफ्राय जागायनानै भुटाननि नामलां गेटसिमाव जोबहैदों। एमसिएए बिजोत नाज्जिरिआ फोरमायनाय बायदिबला, भारत-भुटाननि लोगोआरि सोमोन्दै गोखों खालामनायनि थांखिजों (□ 6 बिलाइआव)

आसामनि राइज्यो बेंगिरिआ आसाम राइज्यो बेंगिरिनि प्रतिभा प्रत्साहन यजनानि सायख 'जानाय बिजाथिफोरजों सावरायलायदों

गुवाहाटी, 12 नभेम्बर : फसंथानारि आदबनि गेजेरजों आसामनि लाइमोनफोरनि रोग'थिफोरखौ फोजोनो थाखाय राइज्यो बेंगिरि लक्ष्मण प्रसाद आचार्यआ दिनै बेलासियाव राजभवनाय खुनाय मोनसे (□ 6 बिलाइआव)



आसामनि राइज्यो बेंगिरिया सैनिक फरायसालि गवालपारानि हिराथि माइथाय फालिथायाव बाहागो लादों

गुवाहाटी, 12 नभेम्बर : आसामनि राइज्यो बेंगिरि लक्ष्मण प्रसाद आचार्यआ दिनै सैनिक फरायसालि, गवालपारानि हिराथि माइथाय फालिथायाव नुजाथिनानै फरायसालिनि लांगोनायाव खुंजागोन मोनसे हाबाफारियाव 60 बोसोरनि बे मख'जाथाव माइल खुन्थियासिम सहैनो हानायनि थाखाय बयनिंसिमबो साबायख 'र जासियो। बे फालिथाइयाव राइज्यो बेंगिरि



आचार्यआ बुदोंमोन, '1964 माइथायाव गायसनजानाय, सैनिक फरायसालि,

गवालपाराया सोलोंथायारि साबसिन आरु हायुंआरि बेसेननि खुन्थिया जानानै दं, जाय भारत

बिमाखौ सिबिनो थाखाय के डेटफोरखौ थियारि खालामदों।' राइज्यो बेंगिरिया हायुंआरि बेसेनफोरनि फारसे फरायसालिनि बाडसोमनाय आरु बेनि गोगगाथाव जायिमिनाव गोगगाथाव फोरमायदोंमोन। बिथाइ भारतनि बै समनि रैखाथि मन्थि थि के कृष्ण मेननि नोजोरखौ गनायो, जाय इ 1961 माइथायाव सैनिक फरायसालिफोरनि सानसिखौ (□ 6 बिलाइआव)

मानासआव आसुआ बेसेन बांनयनि हेंथायै सोमावसारदों



सालबारि, 12 नभेम्बर: राइज्यो दाब-दाब जायगाफोरजों लोगोसे बाक्स जिल्लानि सालबारि महकुमा आरु मुदुगुन जायिमिनारि थावनि मानास माहारियारि हाग्रामायाव दिनै गोनांथार मुवा-बेसादिनि बेसेन बांनयनि (□ 6 बिलाइआव)

बाक्सानि निमुवायाव मेट्रिकनि मिरु गाययसन्नो दाबिनानै राइजोआरि मेल खुंदों

प्रमद बर'नि लाइजाम, माहारियारि आफादनि दाबिखौ गोनांथि होयैआव सेबानि हेंथायै खुद्विखानाय फोरमायदों

भबानिपुर, 12 नभेम्बर: बाक्स जिल्ला सालबारि महकुमानि सिडव थानाय निमुवानि बापुजी गोजौ फरायसालियाव ओन्सोलनि गं 6 गोजौ फरायसालिखौ जुथाय खालामनानै गोजौ फरायसालि सोलोंथाय आन्जाद (मेट्रिक)



मिरु गायसन्नायाव आसाम गेजेरारि सोलोंथाय बर्ड (सेबा) नि गोनांथि होयैनि अजद देखानानै खुद्विखानाय फोरमायदों ओन्सोलनि गुबुन गुबुन माहारियारि आफादजों लोगोसे राइजो-राजाफोरा। बेनि सोमोन्दै दिनै निमुवानि बापुजी गोजौ (□ 6 बिलाइआव)



## सुजुगिरिनि खोलोम

## जिब-जुनात आरो बिफा-लाइफां

बुहुमाव जिब-जुनात थानानै थानायव मिथिगाया सान्ध्र' हाथै, मिथिस' हाथै सोमोनाथाव निदान सुबोदो आरो सुगासिनो थानाय नुनो मोनो। इसोरा सोरजिनाय गासिबो बिफां-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा-दावसा, एम्फो-एनलाफ्रा देलाइफ्रा बुहुमखौं समाय होनायजो लोकोसे जिब-जुनात थानानै थानायव अन्जिमा गैथै हेफ्राजाब होबोदो। मिथिस' हाथै समनिफ्रायनो बुहुमाव गोनां जिगतखौं इसोरा सोरजिनानै होखादोमोन। नाथाय इसोरा सोरजिनाय माखासे जिब-जुनात बिफां-लाइफांफ्रा मानसिन इनाय अनागारियावनो जोबफ्रां, जुगनि सोलायबोनाय बोथोरनि थाखाय जादो, एबा थानो जायगा जोबनायनि थाखाय जादो। बुहुमनिफ्राय लासे लासे गोमोर लानो हमादो। इसोरा माखासे सोरजिनाय जिगतफ्रा गोमाबोनाय जिब-जुनात थानानै थानायव गोमोम खहा जानो हागो। मानोना इसोरा गासिबो गोनां सानानै सोरजिखादोमोन। बेखायनो मोनसे नडबला मोनसेया थानानै थानाया गोब्राव।

गामिफ्राव गोदो फाहामगिरि गैयामोन। आखाय बौब्ला जार्मान बिलाइखौं दिग्लिनानै होनाय, उदै सायोब्ला एबा उदै गाजि जायोब्ला खिफि बेदो एउनानै जाहोनाय, आधि-आखाय बायोब्ला हाग्राणि दंफां-लाइफांनि बिलाइखौं देनानै खाथबना होनानै मोजां खालामनाय नुनो मोनो।

आधिकालावबो मुलि गोथोर्जां आइथिं आखाय बायनायखौं फाहामनायनि थाखाय मुं दं गामियाव। आधिं खुब खुब मोनोब्ला लोमफ्रा साजो मोनब्ला उसुमाय(जारि बिजनि) बिजो आरो माखासे दंफां-लाइफांनि बिलाइ, रोदाखौं फुडुनानै फानलु बिदै लानाया जायगा जायगा जो दसिमबो नुनो मोनो। बे उसुमायफ्राबो जोबलानो हमादो। आयुबेदिक, एल'पेटिक, होमिअ'पेटिक गासिबो मुलिफ्रा दंफां लाइफांखौं नेउसिनानै जानो हाया। गोलोम बोथोराव बाराद्राय गोलोमनायखौं खमायहोना हायाब्ला दंफांनि साइखलुम नागिरना बै दंफां सिडव जिगायगा हुदाय बयहाबो दं। मोसौखौं हाल एवो, गायखेर जानो फिसियो। बे मोसौनोबो थानानै थानो गांसो, हाग्रा-बंग्रा नांगो। जो एम्फो'फिसियो। बे एम्फो'फिथोब आरो खुन बिफांनि खुनखौं खुनुं लुनानै सि दानानै मानसिया गावनि लाजिनायखौं फांथेयो आरो गोर्जां जानायनिफ्राय गोजानाव थायो। हाखर-हाला, दुब्लिन एम्फो'फ्राबो माइ बारियाव माइ बिफांखौं खहा खालामनो हानाय माखासे एम्फो'फोरखौं जानानै माइबिफां मोजां जानायाव हेफ्राजाब होयो। नाथाय मानसिफ्रा बेफोर एम्फो'फोरखौंबो बुथारनानै गोर्जोनाय मोनो। दावमा-दावसाफ्रा फिथाय जानानै खिनाइ फिथायनि बेगरनिफ्राय बिफां-लाइफां फेहेरनायाव हेफ्राजाब होयो। बबेबा बबेबा दावमा दावसा, जिब-जुनातनि मेजेमखौं मुलि बाहायनाय बयबो नुवा लासेनो थायाखै। नाथाय बेफोर गासिबो थानानै थानो थाखाय हाखर-हाला दंफां-लाइफां नांगो। जायगा जायगा बिफां-लाइफां जोबनाय लोको लोको बिलो आरो निजिराफ्राबो रनलानाय मानसिन मेगनाव गोलैयालासिनो थायाखै। दंफां बिलाइफ्रा अक्सिजेन होनाय मोनसे गेस सानाव हगारो। जाय गेसया मिनिटसे गैयाब्ला जिब-जुनात थानानै थानाया गोब्राव।

## दिनेनि फान्जामुधि

## राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)  
कर्कट : ड ह सिंह : म ट कन्या : प ठ (ण ष)  
तुला : त र बृश्चिक : ब न धनु : ध भ (ढ फ)  
मकर : ख ज कुम्भ : ग श (स) मीन : द च (ख ज झ)

मेघ: सोरनिबा जनै माबाफोर खहा जानो हागौ। गोसोखौं शान्ति मोननाय नडा।

वृष: जालु-जालाया जोबनाय नडा। महर मुखिआ खहा जानो हागौ। देहाखौं सांग्राडै लाखि।

मिथुन: गाव-गावनि अहंखारनि जनै खहा खालामनानै लानो हागौ। गोसोखौं हमाथानांगोन।

कर्कट: लोगोनिफ्राय माबा मोनसे मोनो हागौ। मुलाम्फा जागोन। गोजोन मोनगोन।

सिंह: बादायलायनायाव गुबुनखौं फेजेन्तो हागोन। गोजोन मोनगोन। मोजां सान।

कन्या: मानिबा थाखाय जिंगा सिनानो हागौ। जेरिथानो जाया गोसोखौं हमाथ।

तुला: जेखि मावा बेफार फालांगिआव मुलाम्फा आरजिनानै लानो हागोन। मोजां सान।

बृश्चिक: नख'रनि जेना-जेसिखौं लानानै जिगां सिनांगोन। गोर्जोनाय गैथैजो सम बारहोनांगोन।

धनु: जेखियानो मावा रांखावरि मुलाम्फा खालामनो हागोन। फाफ्रांमबो मोजां।

मकर: जेखि खामानि मावनो आखायाव लादो बेयावहाय मुलाम्फा मोनो हागोन।

कुम्भ: दिनेनि दिनआव खस्थ मोनानो हागौ। गोसो हमाथानानै सोलिनांगोन।

मीन: जेखियानो बादया देहासारनायखौं मोनो हागोन। बे राशिनि थाखाय मोजां सम।

## मिरु सरकारआ इन्टर-स्टेट काउन्सिलनि अरायथा कमिटी दाफिन्दो

गोदान दिल्ली, 12 नभेम्बर: मिरु सरकारआ इन्टर-स्टेट काउन्सिलनि अरायथा कमिटी दाफिन्दो, बे कमिटीखौं नख'र मन्थि अमित शाह दैदेनायजो लोकोसे बे कमिटीआव सा 12 सोद्रोमाफोर दड। बेयाव मिरु मन्थि शिवराज सिंह चौहान, निर्मला सितारमन, रजिभ रज्जन सिंह, भिरेन्द्र कुमार आरो सिआर पाटिलजो लोकोसे अन्ध प्रदेश, आसाम, झारखन्ड, महाराष्ट्र, उरिष्ठा, पान्जाब आरो

सोमजिनाय जेनाफोरखौं बोसोनां थाखाय इन्टर-स्टेट काउन्सिल दानाय जायो। नख'र मन्थि अमित शाह दैदेनायजो लोकोसे बे कमिटीआव सा 12 सोद्रोमाफोर दड। बेयाव मिरु मन्थि शिवराज सिंह चौहान, निर्मला सितारमन, रजिभ रज्जन सिंह, भिरेन्द्र कुमार आरो सिआर पाटिलजो लोकोसे अन्ध प्रदेश, आसाम, झारखन्ड, महाराष्ट्र, उरिष्ठा, पान्जाब आरो



उत्तर प्रदेशनि गिबि मन्थिखौं अरायथा कमिटीनि बाहागो खालामनाय जादो। सुलुंनि

राइज्योफोरजो लोब्ला गोनां केसफोरनि सायाव सावरायो। मख'नो गोनांदि, सरकारिया आयगनि आर'ज गाबनाय बादियै 1990 नि 28 मेआव हादरगिरिनि बिथोननि गेजेरजो इन्टर-स्टेट काउन्सिल दादोमोन। बेयो मोनसे अरायथा आफाद। सरकारिया आयगाआ आर्टिकल 263 नि गेजेरजो इन्टर-सरकारि काउन्सिल दानांगो होना आर'ज गाबदोमोन।

केसफोरनि सायावबो बेयो सावरायो। मख'नो गोनांदि, सरकारिया आयगनि आर'ज गाबनाय बादियै 1990 नि 28 मेआव हादरगिरिनि बिथोननि गेजेरजो इन्टर-स्टेट काउन्सिल दादोमोन। बेयो मोनसे अरायथा आफाद। सरकारिया आयगाआ आर्टिकल 263 नि गेजेरजो इन्टर-सरकारि काउन्सिल दानांगो होना आर'ज गाबदोमोन।

## बाबा सिद्दिकीखौं बुथारगा दायनिगिरिया गासै जाथायखौं सोराडव लाबोदो

गोदान दिल्ली, 12 नभेम्बर: बाबा सिद्दिकीखौं बुथारनायनि गाहाइ दायनिगिरि शिब कुमार गौतम एबा शिभाया उत्तर प्रदेश एसटिएफ आरो मुम्बाइ क्राइम ब्रान्चनो माखासे गोनांथार खोरं मिबथि होदो। बियो एसटिएफनो फोरमायोदि, बियो गावनि लोकोफोरजो जयै सान 3 सिम बाबा सिद्दिकीखौं नोजोर होबाय थारोमोन आरो दशहरनि सानाव खाबु मोनानै बिखौं बुथारो। शिभाया फोरमायोदि, गाव आरो सासेबाव शुटार धर्मराजआ दरसे गामिनो। बियो मुम्बाइआव जन्क बिजनेस खालामोमोन। बिन आरो शुभब लनकारनि गलाया खाखि-खाथिमोन। शुभमआ बिखौं सशेल मिडिया प्लेटफर्म स्नेप सेटनि गेजेरजो लरेन्स बिश्नइनि फं बाय अनमल बिश्नइजो रयन्ज्यायहोदोमोन। बिश्नइखौं बुथारनायनि 10 लाख रां होनायनि खोथा होदोमोन। लोकोसेनो बुथारनायनि उनावबो दानफ्रोमबो एसे-एनै रं मोनबाय



थागोन होनाबो बुंदोमोन। पुलिस क्राइम ब्रान्सनि सुलुंआ मिबथिहोनाय बायदिल्ला, अनमलआ बिखौं गावसोर जाय खामानिखौं मावदो बेयो इश्वर आरो समाजनि थाखायसो होना बुंदोमोन। बुथारनायनि थाखाय शुभम आरो यासिनआ बिनो हाथियार, मबाइल फन आरो सिम कार्ड ज'गायना होदोमोन। बुथारनायनि उनाव रयन्ज्यायनो थाखाय आलादा मबाइल फन आरो सिम कार्डबो हरदोमोन। बाबा सिद्दिकीखौं बुथारनायनि उनाव शिब कुमार गौतमआ गोखै गावनि गस्ता सारंखौं सोलायो आरो हांगो-

दोको सुलुंनि गेजेराव हाबखावो, जाहाथे बिखौं रावबो सिनायनो हाया। बेनिफ्राय बियो जाथायसालिनिफ्राय कुलांसिम अट'जो थाडो आरो बेनिफ्राय लकेल ट्रेनजो टानेआव थाडो। बेनिफ्राय ट्रेनजो फिन पुणेसिम थाडो, जेराव बियो गावनि मबाइल फनखौं गावना गालाडो। गासै 7 सान पुणेआव थानायनि उनाव बियो ट्रेनजो उत्तर प्रदेशनि सांसिआव थाडो आरो बेनिफ्राय लक्ष्मोआव थाडो। बेयाव गोदान फन बायनानै लोकोफोरजो फोनांजाब खालामनो नाजायो आरो हादत नागरना नेपालआव खारलानायनि प्लेनि दंमोन।

## रान्चिआव गोर्जां बोथोरावबो डेंगु-मेलेरियानि केस मोन्दो



रान्चि, 12 नभेम्बर: बोथोर गोर्जांसिनाय जाबाय। नाथाय थाय्मैनिफ्राय इसेबो रेहाय मोननायखौं नुनो मोनाखै। थाय्मैजो गोसायरा बेरामफोरनि गेजेराव मोनसे डेंगुखौं लाना सावखि बिफानआ फिन एलार्ट फोसावनानै सुबुंफोरखौं सांग्राडै थानो बुंनाय जादो। अदेबानि बिदुंआव खम जानाय समाव थाय्मैआ खम जायो। नाथाय न' सिंआव बिदुंआ बांसिन जानायनि जाहोनाव दासिमबो डेंगु आरो मेलेरियानि थाय्मै फोरनि उतखारआ बांलांगिसिनो। दासिमबो राजथावनिनि गुबुन गुबुन फाहामसालिफोराव 2 दर्जननि बांसिन डेंगु आरो मेलेरियानि बेरामिफोर फाहामथाइ लागसिनो दड। बेफोरनि गेजेराव बांसिन बेरामिफोरा सदर फाहामसालि सा 7 डेंगुनि बेरामिफोर दड। फासैथि डेंगुनि माखासे सन्देह गोनां बेरामिफोरनि फाहामथाइ सोलिगासिनो दड आरो मेलेरियानि बेरामिफोरखौंबो आइसलेसन वाडैआव फाहामथाइ होदो। बोसोर गुसु जादोब्लाबो हरखाबै थाय्मैजो गोसायराय

बेरामिफोरनि अन्जिमाया बांदो। रिम्स, सदर फाहामसालिजो लोकोसे गुबुन गुबुन प्राइभेट टेस्ट लेबआव थैनि नमुना लानानै आन्जाद नायनायाव डेंगु आरो मेलेरिया बेरामि मोन्दो। राइज्यो मेलेरिया बिफाननि फासैनिफ्राय फोरमायनाय जादोदि,

बेरामिफोरखौं दासिमबो मोनगासिनो। नाथाय थानाय दाननि रुजुनायाव बेनि अन्जिमाया खमसिन। रिम्स मेडिसिन बिफाननि एड्सअडि डा: बि. कुमारआ फोरमायोदि, बे बोथारव बे बायदि बेरामिखौं मोननाय जायामोन। नाथाय बे बोथोरावबो मेलेरिया आरो डेंगुनि बेरामि मोननाया सोमोनांथाव बाश्ना। न' सिंआवबो डेंगुनि थाय्मै मोननाय जादो, जायनि गाहाइ जाहोना जादो, न' सिंआव दोननाय कुलाराव दै जमा जानाय, इन्दुर प्लाननि गामलाफोराव दै जमा दोननाय बायदिआव डेंगुनि खुदै थायो।

## त्रिपुरा ट्राइबेल परिषदआ गिबि राइज्योआरि बास सिबिथाइखौं बेखेवबाय

आगरटला, 12 नभेम्बर: त्रिपुरा ट्राइबेल एरिया कर्कट'नमास डिस्ट्रिक्ट काउन्सिल (टिटिएएडिसि)आ गावनि गिबि राइज्योआरि बास सिबिथाइखौं जागयो। जाय गावसिनि मोन्थाय थानाय ओन्सोलाव फोनांजाबखौं फोजीखानायनि लामायाव मोनसे मख'जाथाव थांखि। बे सिबिथाइखौं टिप्रा मतानि गायसनगिरि आरो जिल्ला परिषदनि सोद्रोमा प्रद्युत किश्वर माणिक्या देबबर्माआ खुमुलवांगआव थानाय टिटिएएडिसि मावख'आवे बेखेवना होयो। देबबर्माआ टिटिएएडिसि एरियानि सिंआव



पाब्लिक ट्रांसपर्टनि गोबाव समनिफ्रायनो गोनांथि जाना थानायनि सायाव नोजोर बोयो। बिथाडा बुडोदि, 25 बोसोर सिगां हान्था-मैला बिफान मोननायनि उनावबो परिषदहा

इम्फल, 12 नभेम्बर: खोला तांखुल फरायसा आफाद, तांखुल नागा हायेन फरायसा आफाद आरो नागा शानाअ लं याइनपकपि ओन्सोलजो लोकोसे माखासे आफदफेय चुचान्दपुरजिल्लानि न्यु कनान गामिनि सासे तांखुल आबादारि 32 बोसोर बैसोनि कंशक हयमनि सायाव हाथियारजो गाग्लोबनायखौं सांखारियो। इम्फल लामायाव सिमना गैथै समसिम होबथानो फोसावो, जाय 11 नभेम्बरनि हर गेजेरनिफ्राय गोहोम गोलैगोन।

खोला तांखुल फरायसा आफाद, तांखुल नागा हायेन फरायसा आफाद आरो नागा शानाअ लं याइनपकपि ओन्सोलजो लोकोसे माखासे आफदफेय चुचान्दपुरजिल्लानि न्यु कनान गामिनि सासे तांखुल आबादारि 32 बोसोर बैसोनि कंशक हयमनि सायाव हाथियारजो गाग्लोबनायखौं सांखारियो। इम्फल लामायाव सिमना गैथै समसिम होबथानो फोसावो, जाय 11 नभेम्बरनि हर गेजेरनिफ्राय गोहोम गोलैगोन।

## मनिपुरआव नागा आफादफोरा आबादारिनि सायाव गाग्लोबनायखौं सांखारिदो



मनिपुरनि सान्जा इम्फल जिल्लायाव सन्देह खालामजाथाव कु कि गाग्लोबनायफोरा सासे नागा आबादारिखौं गुलि गावनानै जोखोम खालामनाय जाथायखौं माखासे नागा आफादफोरा गोखोडै सांखारिदो। बेनि फिनायाव बिथाडा उखरुल-इम्फल लामायाव सिमना गैथै समसिम होबथानो फोसावो, जाय 11 नभेम्बरनि हर गेजेरनिफ्राय गोहोम गोलैगोन।

फोथारआव खामानि मावनाय समाव गुलि गावदोमोन। आलादा-आलादा बिबुंथिफोराव आफादफोरा बे गाग्लोबनायखौं सासे दाय गैथै आबादारिनि हंथा हिंसानि हाबा होनानै फोरमायो। आफादफोरा बे बाहागो लानाय गासै हान्जाफोरखौं गोजोनखौं अलखदआव खोखलै ग्रा नायबिजिरनायखौं होबथानो आर'ज गाबदो। बिसेर सुबुंफोरखौं हिंसायारि जाथायनि हंथायै खौसे जानो खावलायो। लोकोसे आइन सामलायग्रा एजेन्सिफोर आरो सोमोन्दो गोनां बिबानगिरिफोरजो राइज्योयारि रैखाथिखौं रोखा खालामो आरो इयुनिनि जाथायफोरखौं होबथानो थाखाय गोखो रहाफोरखौं फोसावनो खावलायो। बे आफदफेय जोखोम जानाय आबादारिनि फासै दुखु मोननाय फोरमायनानै बिन देहायारि फाहामथायाव हेफ्राजाब होनो समावखिख लायो।

समाव एबा बिसायख'थि जोबलानायनि उनाव आमेरिकायाव बिसायख'थि फोसावदिनाय बेसेन सुख'नाया जागायजेनो। कमला हेरिसनि थाखाय खेन्दा बुधुमग्रा पार्तिनि बिजाथिखौं गोखो सैलेन्स होग्रा हेरिसआ गावनि नाजानायनि फिथाइखौं मोननांगोन। बिथांखौं 20 जानुवारि 2025 सिम हादतगिरि खालामाथावगो। बे थांखिजो हादतनि आइजोफोरनि गेजेराव गोदान सांग्राथि फेगोन। बेयफासैथि बे

सिबिथाइखौं बांहोनाय, गोदाने जागायनाय एसि बासफोर, जेराव गंफोमावबो सा 52 दावबायारिफोर थानो हायो, सिबिथिबि केमेरा आरो गुबुन रैखाथि सुबिधाफोरजो लेस गोनां। देबबर्माआ बुंवावोदि, त्रिपुरानि सिंआव जौगाखानायखौं बांहोनाय आरो बेनि थागिबिफोरनि जिउआव साबस्रानाय लाबोनायानो गावसोरनि थांखि। बे गोदान राइज्योआरि हान्था-मैला सिबिथाइ जागायनायजो टिटिएएडिसिनि सुबुंफोरा मुलाम्फा एबा सुबिधा गोनां जागोन होना बिथाडा आसा खालामदो।



## रसियाजों लोगोसे भारतनि फालांगिया बांलांगसिनो दड

गोदान दिल्ली, 12 नवम्बर : मंगलबारखालि गोदान दिल्लीयाव भारत आरो रसियानि गेजेराव फालांगि, रंखाथि, टेक्नल 'जि, बिगियान आरो हरिमुनि सायाव इन्टर सरकारी आयगनि 25 थि जथुम्मायाव भारतनि फारसेनिक्राय रसियाजों लोगोसे बनाय फालांगियारि ख 'हा आरो दर्से हादतनि फालांगिरि रं होनायखौ जायगायारि रंखाथियाव खालामनाय आयदाखौ दिखानाय जायो। रसियानिक्राय बांसिन थाव बायनायनि जाहोनाव भारतनि फालांगियारि ख 'हाया गोबां बांदों। बेबायदियाव भारतआ बे बाश्रानि सन्देह' खालामोदि, 2030 सिमाव जेव्ना 100 अर'ब डलारनि दर्से हादतयारि फालांगिनि थांखिखौ मोनफुडोव्ना फालांगिनि ख 'हाया जाहाथे बांवावया। गुबुन हादतयारि



मन्थि एस जयशंकरआ समबारखालि भारत-रसिया बिजनेस फरमनि जथुम्मायाव बुडोदि, आथिखालनि थासायियाव भारत आरो रसियानि गेजेराव फालांगिरि सेटेलमेन्टखौ जायगानि रंखाथियाव खालामनाया जोबोद मख 'जाथाव। जय शंकरआ जेव्ना बे बाश्राखौ बुडे अल्वा

रसियानि फास्ट डिप्टि गुबुन हादतयारि मन्थि डेनिस मन्डुरशाआबो दडमोन। बिसोर सानैनि दैदैन्यायावबो 12 नवम्बरवा इन्टर-सरकारि आयगनि जथुम्माया जागोन। मख 'नो गोनादि, दर्से हादतफोरनि गेजेराव गोबां बोसोरनि गोथौ सोमोन्दो दं।

## डनाल्ड ट्रम्पआ देरहानायनि उनाव सासे बेरेखा सुबुडा नख'रजों लोगोसे सा 5 जिउ फोजोबदों

गोदान दिल्ली, 12 नवम्बर: ससेल मिडियाआव डनाल्ड ट्रम्पनि बेरेखायै जेव्नाबो पस्ट खालामग्रा सुबुडा गावनि नख 'रखौ आबुडे' नो फोजोबदोंनाने लादों। ट्रम्पआ बिसायख 'थिआव देरहानायनि उनाव बि सुबुडा बिबि थांखि आजावदों होना सुबुडा मिथिहोदों। बि सुबुडा गावनि बिसि, बिसि गिबि आरो सानै फिसाज्जाफोरखौ जिउ फोजोबदोंनानयनि उनाव गावबो जिउ फोजोबनानै लायो। बिन सिनायथिखौ 46 बोसोर बैसोनि एथनी नप्यु होना सिनायथि होदों। पुलिसनि बादिब्ला, नप्युआ ट्रम्पनि गोखौ बेरेखामोन। बियो ससेल मिडियाआव जेव्नाबो ट्रम्पनि बेरेखा पस्ट शेयार खालामबाय थायोमोन। बियो मेन्टेल हेल्थखौ लोब्बा गोनं जेनाफोरजोंबो भुगिखानायमोन।



पुलिसआ गनै न'निक्राय सा 5 सुबु'फोरनि गोथै सहमोन। बयनिखुडोबो सिगां एथनी नेप्युनि बिसि गिबि एरिन आब्राहामसन(47) आरो बिन फिसाज्जा जेकब नेप्यु(15) खौ बू हस्पतिबारखालि गावसिनि न'आवने थैनाय थासायियाव बोखानो मोनो। बिसोर सानैबो गुलि नानाने जिउ गोमादोंमोन।

दुलुथ पुलिसनि गाहाइ माइक सेनभाया फोरमायदोदि, बिसि गिबि आरो फिसाज्जाखौ एथनी नेप्युआनो जिउ फोजोबदोंमोन। बेराफासँ जेव्ना पुलिसआ नेप्युनि न'आव सौहैयो अल्वा बिन 45 बोसोरनि नैथि बिसि केथरि आरो 7 बोसोरनि फिसाज्जा अलिभार नेप्युखौ जिउ गोमानाय थासायिआव मोनो। एथनीनि गोथै सहखौबो

न'आवने मोनो। बियो गावबो गुलि गावना लानाने जिउ गोमायो। एथनी नेप्युआ डनाल्ड ट्रम्पखो एसेबो मोजों मोनामोन। बियो ससेल मिडियाआव जेव्नाबो ट्रम्पनि बेरेखा पस्ट खालामोमोन। जिउ गोमानायनि सिगांबो बियो ट्रम्पनि हँथायै पस्ट शेयार खालामदोंमोन। निउयर्क पस्टनि बादिब्ला, बे बोसोरनि

जुलाइ दानआव एथनी नेप्युआ मुलुगआ गोजोन गोनं थासायियाव थानो हाया, बेनि मोनसे गिदिर जाहोनाआ जादों धोरम। आं धोरमरि उतरखारिफोरखौ गिखाडे, जाय गावसिनि गोरोन्थि फोथयनायफोरखौ आं आरो आंनि नख 'रनि सायाव नारिसनाने होदों। आंनि गोसोआव दायनीनि महरव दौलेडाव दिन्दां होनाय एवा जौब्लावनाय क्रसआव फासि होनायनि सानायफोर जाखौफैयो। एथनीआ मोनसे फट'बो शेयार खालामदोंमोन, जेराव बारग' हादरगिरि बरक अब्बा, डनाल्ड ट्रम्प, हादरगिरि ज बाइडेन आरो लेडाइ हादरगिरि कमला हेरिसनि फट'बो दडमोन। ट्रम्पनि सावगायियाव हेट सोदोव लिनाय दड। बेराफासँ डेमक्रे ट दैदेनगिरिफोरनि फट'नि गाहायाव आसा, साबजाथारि आरो गिदिर बायदि सोदोव लिनाय दडमोन।

## मणिपुराव गावगुलुनाय जाथायनि गेजेरजों सा 11 उतरखारिफोरा जिउ गोमायो



गोदान दिल्ली, 12 नवम्बर : मणिपुराव हिंसा नि अर जौब्लावनाय सुग्लायनायनि लामायाव गैया एवा सुग्लायखौ। जिरिबाम जिल्लायव समबारखालि रैखाथि हान्जाजों लोगोसे गुलि गावगुलुनाय सा 10 उतरखारिफोरा जिउ गोमायो। पुलिसनि बायदिब्ला सानजौफुनि 3 रिगसोआव हाथियार लाग्रा उतरखारिफोरा जाकुररुआव थायाय सिआरपिएफ

पस्ट आरो साखाथियाव थायाय बरबेकरा थानायाव गाग्लोबदोंमोन। रैखाथि हान्जाफोरनि फिनजाथाय होनायनि उनाव थासायिया कन्ट्रलआव फैयो। 45 मिन्टसो सोलिनाय गावगुलुनायाव सानै जवानफोरा जोखोम जायो।

सिआरपिएफनि कनस्टेबल सन्जिव कुमारआ गुलि नांजादों आरो बिथानि फाहामथाइ लानाया सोलिगासिनो दड। थैनाय उतरखारिफोरनिफ्राय गं 3 एके राइफल, गं 4 एसएलआर, 2 इनसस, 1 आरपिजि, 1 पम्प एक्सन गान, बिपि हेल्मेट आरो मेगाजिन बोखानो हायो। बे जाथायाव केस थिसनाने नायबिजिन्याया सोलिगासिनो दड। बिबानगिरिफोरनि बायदिब्ला, पुलिस थानानि लोंगोनायाव थायाय रैखाथि केम्पनि सा 5 सुबु'फोरा गोमानाने दड। बिथानोमोनखौ नायबिजिन्याया हाबाफारिया सोलिगासिनो दड। कु कौ संगठनआ दिने बन्द' फोसावदों।

कु कि - ज काउन्सिलआ भुगिनग्राफोरनि सनमानआव आरो जॉनि फोलेरनि दुखु आरो खौसेथिखौ फोरमायनो थाखाय 12 नवम्बरखालि फुनि 5 रिगानिक्राय बेलासिनि 6 रिगसिम बन्द' फोसावदों। थानाय बोसोरनिफ्रायनो मणिपुराव हिंसायारि थासायिया सोलिगासिनो दड। मेइतेइ फोलेर आरो आदिबासि कु किनि गेजेराव लान्थि ये हिंसायारि जाथाय सोलिनायनि उनाव बिजिरसालिया राइज्यो सरकारखौ बिथोन होदोंमोनदि, कु किआ मोनो नागिनाय सरकारनि साखिफोर आरो सोलंथायाव रंखाथिनि मुलाम्फा मोनायखौ मेइतेइनि सुबु'फोरनिफिसिम बारयहोनायनि सायाव सान।

## सुप्रीम कर्टआ दिल्लीआव पटका सावनायखौ फिन आबुडे होबथादों

गोदान दिल्ली, 12 नवम्बर: सुप्रीम कर्टआ दिवालीआव पटका सावनायखौ होबथानाय बिथोनखौ आबुडे मानियैनि थाखाय दिल्ली सरकार आरो दिल्ली पुलिसखौ समबारव गोखौ रावजों थांखियो आरो गसिबो दिन्थिपतानाय होना बुडो। पटका सावनाय होबथानायखौ दिवालीजों फोनंजावनायाव सौथि खालामना कर्टआ बुडोदि, बेखौ मानो दिवालीजों सरजाबफानाय जायो। रावबो धोरमोनो गेब्रेंनायखौ बांहोया। बेयो सुबु'फोरनि सावस्तिन केस, मानोना गेब्रेंनाय गैथै जिउ खानाया नोगोरफोरनि गाहाइ



मोन्थाइ। सुप्रीम कर्टआ दिल्ली पुलिस कमिसनारनो पटका सावनायखौ गोहोम गोनाडे होबथानायनि बिथोन होनाने बे बिथिआव इमार्जेन्सि स्पेसेल सेल दाफुनायनि बिथोनबो होयो। बेजों लोगोसेनो कर्टआ दिल्ली सरकारखौ पटका सावनायखौ बोसोरसेनाडे होबथानायनि सायाव सानो आरो 25 नवम्बरसिम थांखि लानाने

कर्टआव मिबथि होनोबो बुडो। मख 'जाथावदि, कर्टआव फिन खनसेबाव रोखा खालामोदि, पटका सावनायखौ होबथानाया दिवालीनि समावल' नडा। गसिबो रंजाथायनि खाबु जै-बिसायख 'थि आरो जुलिफोगवबो होबथानाय जानांगो। लोगोसेनो कर्टआ एनसिआरनि गुबुन राइज्योफोरनिफ्राय पटका

होबथानायनि सायाव फिनाय बिदों। बे बिथोनखौ बिजिरगिरि अथय एस अका आरो आस्टिन जार्जनि बेन्चआव समबारव दिल्लीनि आबहवा गेब्रेंनाय केसआव हियायि होनाय समाव होयो। कर्टआ पटका सावनायाव आबुडेहोबथानायखौ मोजाडे फलिथैनि थाखाय दिल्ली पुलिसनि सायाव गग फोसायना बेयो बयनिबो मेनाव हदि सानाय बायदि होना बुडो। मानोना पटका बानायनाय, फननाय, दोनशुभनाय आरो सावनायखौ होबथानाया जादोंमोन। अल्वाबो पटका सावनाय जादों आरो आबहवाया गुबुले सिन जादों। कर्टआ दिल्ली पुलिसनि कमिसनारनो पटकानि अनलाइन फनायखौ होबथानो बिथोन होयो।

**BODOLAND UNIVERSITY**  
Kokrajhar, Assam  
(NAAC Accredited Institution)  
Ph.D Admission Notice: 2024-25  
Online applications for admission in Ph.D Programme under Bodoland University for the session 2024-25 shall be started from 15<sup>th</sup> November, 2024 and will close on 30th November, 2024. For more information and online application, visit the University website [www.buniv.edu.in](http://www.buniv.edu.in)  
Academic Registrar  
Bodoland University

**इम्फल, 12 नवम्बर:** मनिपुरनि जिरिबाम जिल्लायव थांनाय समबारखालि जानाय गिखंथाव गावलायनायाव खमैब्लाबो सा 11 कुकि बिग्रायारिफोरनि जिउ गोमायो आरो मिरुआरि रिजार्भ पुलिस हान्जा सिआरपिएफनि सासे जवानआ मुख्लं जायो। बे गावलायनाया जिरिबाम



No. ACE-35/TECH/UDL(R&B)/IFB/2018-19/473 Dated Kokrajhar the 12/11/2024  
**Tender No. 32 of 2024-25.**  
**PRESS NOTICE.**  
The Addl. Chief Engineer cum Director, PWD, BTC, Kokrajhar invites bids on behalf of Governor of Assam for 2 (two) nos. of works under Udalguri District, total bid amount Rs. 132.00 Lakh (Approx) from the eligible contractor registered under Class- I (A, B & C) & Class - II category under PWD (Road), Assam or BTC.  
Details may be seen at website <http://assamtenders.gov.in> and also at the office of the undersigned during office hours.  
Sd/-  
Addl. Chief Engineer, Cum Director, PWD,  
Bodoland Territorial Council, Kokrajhar  
IPR(BTC)/C/2024-25/860

No. DPRD/BTC/Tourism/Bak/2024-25/3/20 Dated Kokrajhar the 2<sup>nd</sup> November 2024  
**PRESS NOTICE**  
The Director, P&RD, BTC, Kokrajhar invites bids for work "Construction of Children Park at Belguri (TrinathSamai) under Pub Howly VDC under Tourism Department, SOPD for the financial year 2024-25", for A/A amount of **Rs. 20,00,000/- (Rupees twenty lakh) only** from the registered contractors of Class-II (A, B & C) category of Assam PWD (Roads) / (Building) / P&RD, BTC.  
Details may be seen at website <http://assamtenders.gov.in> and also at the Office of the undersigned during office hours.  
Sd/- Director,  
Panchayat & Rural Development,  
BTC, Kokrajhar  
IPR(BTC)/C/2024-25/848

No. DPRD/BTC/(Gen)-279/2024/14 Dated Kokrajhar the 11<sup>th</sup> Nov., 2024  
**NOTICE INVITING TENDER**  
Sealed tenders with a validity period of 180 (One hundred eighty) days from the date of receipt in prescribed from affixing non-refundable court fee stamps of Rs. 8.25 (Rupees eight and paise twenty five) only subsequently to be drawn up in printed F-2 form are hereby invited from the Govt. registered PWD (Roads/ Building), Irrigation, Water Resources, PHE others Govt. Contractor's under Class-I (A, B, C), Class-II and Class-III category from approved firm/ suppliers of 2020-21/ 2021-22 according to tender limit of eligibility for the following works and will be received in the office of the undersigned up to 2.00 pm on 12/11/2024 and will be opened on the same date and place at 2.30 pm in the presence of willing contractors or their authorized agents.

Sl. No.	Name of Dev. Block	Name of Scheme	A/A Amount (in Rs. lakh)	Tender Amount (in Rs. lakh)	Earnest Money (ST, SC, OBC-1% & Gen-2%)	Cost of Tender	Time for completion in days
01.	Mazbat	Const. of Community Toilet at Potabil near Community Hall	11.00	10,47,602.03	(ST, SC, OBC-1% & Gen-2%)	@ 330/-	6 months
02.	Mazbat	Const. of drinking water project in Jagyapar area, Mazbat	19.09	19,09,000.00	(ST, SC, OBC-1% & Gen-2%)	@ 573/-	6 months

Details NIT may be seen in all working days in the office of the undersigned. Tender paper will be issued to the contractors or their authorized agent up to 02.00 PM on all working days from 13-11-2024 to 06-12-2024 in the office of the undersigned on payment of in the form of Banker cheque/ Demand draft of any nationalized Bank (Preferable SBI) duly pledged to the Director, P&RD, BTC, Kokrajhar. The Cost of tender (Non-Refundable) must be in the form of Demand Draft/ Banker Cheque of a Nationalized Bank drawn in favour of the Principal Secretary, BTC, Kokrajhar and payable at SBI, Kokrajhar to be deposited 0.03%.

Sd/- Director,  
Panchayat & Rural Development,  
BTC, Kokrajhar  
IPR(BTC)-2023-24/856

तलवार, लावथि, अन्थाइ एवा जायखि-जाया बेसादफोर लाना थांनायखौ होबथानाय जायो, जायफोरखौ हाथियार महेरे बाहायनायनि सन्देह थायो। आथिखालाव सरकारि एजेन्सिफोर, रैखाथि हान्जा आरो गोनाथि जानाय सिबिथाइफोरनि मा व सु मा फोरखौ होबथानायनिक्राय रेहाय होनाय जादों। बेरा फासँ, जुलि, नख 'रि आसाखाथि एवा गुबुन गोनाथि जानायफोरनि थाखाय गनायथि बिग्रा सुबु'फोरा पुलिस एसपिनिआव लिनाय गनायथि लानांमोन। बिथोनफोरखौ बिएनएसएस 2023 नि आरटिकेल 163 नि गेजेरजों फोसावनाय जादोंमोन। अरेबानि कार्फिउखौ सिफायग्राफोरखौ सोमोन्दो गोनं आइनफोरनि गेजेरजों साजा होनाय जागोन होना सुलुडव फोरमायनाय जादों।

जिल्लानि बरबेकरा साव-डिभिजननि बरबेकरा पुलिस थानानि मोन्थायआव थायाय ओन्सोलाव जायो। बेनि जाहोनाव मनिपुर सरकारि इमार्जेन्सियै गासँ जिरिबाम जिल्लायवाय सिमना गैथै समनि थाखाय कार्फिउ जाबसिना होयो। बेयाव जानो हाथाव जाथायफोरखौ होबथानो आरो आइन बेबस्थाखौ लाखिनो थाखाय थांखि लानाय जायो। जिरिबामनि जिल्ला मेजिस्ट्रेट कृष्ण कुमारआ मोनसे मावख 'आरि खौयं फोसावनायने बुडोदि, पुलिस एसपिआ समाजनि बेरेखा हाबाफारिफोरनि जाहोनाव सोमजिन्याय गोजोन गैथै थासायि, थांना थायाय आरो सम्पतिनि अलखदिन सोमोन्दे जिगा सिनाय फोरमायदोंमोन। कार्फिउनि बिथोनफोरव अर फोजोंग्रा बेसाद,

## मनिपुरनि तामेलंआव जोखोम जानाय सिखा बाजो/अमर फेल्कन्सखौ रखा खालामो

इम्फाल, 12 नवम्बर: मनिपुरनि तामेलं जिल्लायवाव इनाइटेड बिल्डरस स्कुलनि फरायसाफोरनि मोनसे हान्जाआ बावैसो सिगां मोनसे सैरखाथि हाबाफारिनि समाव मात्रे जोखोम जानाय सिखा बाजोफोरखौ रैखा खालामनायाव गाहाइ बिफाव लायो। रासिया, चीन आरो साइबेरियानिक्राय आफ्रिकाआव थायाय गोबां बिबानि बे दावफोरा तामेलंआव थायाय चिउलुआन मुनि जायगायाव बासा बोनाय समाव जोखोम जायो। भारतआरि हग्राणि जिब-जुनाइ रैखाथि आफाद (डाब्लिउआइआइ), मनिपुर हग्रा बिफान आरो तामेलंनि रैन फरेस्ट क्लबनि गेजेरजों साननैनि 'अमर फेल्कन्स बचाओ' हाबाफारिनि थांखिया बे रोखोमनि दाव आरो बिन गिखंथाव दावबायनायनि सोमोन्दे सांग्राथिखौ बांहोनाय। बे हाबाफारिनि समाव जर्'खागिरिफोर



आरो बिबानगिरिफोरजों लोगोसे फरायसाफोर गोबां गोहो थायाय दुरबिन बाहायनाने हरनि समाव ट्रेक खालामनायनि खाबु मोनो। बेयाव मदतनि इमार्जेन्सि गोनाथिथिखौ गनायनाने फरायसाफोर थाबेनो जोखोम जानाय दावफोरखौ रैखा खालामो आरो बिसोरखौ गाहामै फाहामथाइ होनो थाखाय रैन फरेस्ट क्लबनो गथायना होयो। बे दावआ गावनि सरसनन्ना नडे बोसोरारि

दावबानायनि थाखाय मुंदांखा, जायफोरा 22,000 किल ' मिटारसिमनि जान्थायखौ थि खालामो। बिसोर रासिया, साइबेरिया आरो सा-चीनआव गोदाने फिसा जोनोम होयो आरो गुसु बोथोरखौ खोला आफ्रिकायाव हगाहैयो। मनिपुर आरो नागालेन्डजों लोगोसे भारतनि सा-सान्जा राइज्योआव बिसोरनि गोलाव दावबायनाय समाव मख 'जाथाययै इपिक पइन्ट महेरे खामानि मावयो।

## कौटि कौटि रानि हिराखौ लानाने राजा फोलेरनि नख'राव दावहा सोमजिदों

लन्डन, 12 नवम्बर: कातारनि राजा फोलेरनि सानै सोद्रोमाफोरनि गेजेराव मोनसे बेसेन गोसा हिराखौ लानाने जागायनाय दावहाया आथिखालाव लन्डननि हाइ कर्टसिम सौहैबाय। खुंग्रि शेक तिमि बिन हम्द अल थानीनि बिब्थेनि फिसाज्जा शेख हम्द बिन आबुदुल्लाअल अल थानीआ मुंदांखा आर्ट कालेक्टर हमीरनि बिब्थेनि फिसाज्जानि फारसेनिक्राय सालायनाय मोनसे कम्पनीया 70 केन्ट रल बायनाय गावनि गोब्राव मोन्थाइखौ फोसावना नजागासिनो दड। कातारनि शेख तिमि बिन हम्द अल थानीनि बिब्थेनि फिसाज्जा शेख हम्द बिन आबुदुल्ला अल थानीनि कम्पनी क्युआइपिसिअनिआव 'आइडल्स आइ' मुनि हिरा दड। बे हिरानि

बेसेना लाख-लाख डलार। सुलुडव फोरमायनाय बायदिब्ला बिनो बे हिराखौ शेख सौदआ दाहाराव होदोंमोन, जाय 1997 आरो 2005 नि गेजेराव कातारनि हाइरिफुयारि मन्थिमोन। लोगोसे बियो मुलुगनि बयनिखुइ देरसिन कल। दिन्थिगिरिफोरनि गेजेराव सासेमोन आरो बिथाड 2000 जौथाइनि जागायनायाव बे आइडल्सआ आइ हिराखौ बायदोंमोन। 2014 आव गाव थैनायनि माखासे सम सिगां बियो बे हिराखौ क्युआइपिसिअनो दाहार होदोंमोन, जायनि गाहाइ मावसुमाआ शेख हम्द बिन

आबुदुल्ला मोन। हिराखौ दाहार होनायनि सिगां बियो मोनसे कन्ट्रेक्टबो



खालामदोंमोन, जेराव क्युआइपिसिअनो एलेन्स हिल्डसनि गनायथिजों हिरा बायनायनि अषान होयो, जाय शेक सौदनि नख 'रनि सोद्रोमाफोरजों लोब्बा थायाय कम्पनीमोन। शेर सौदिनि

कम्पनी एलेन्स हिल्डसआ बे हिराखौ क्युआइपिसिअनो होदोंमोन। आथिखालाव क्युआइपिसिअआ बे हिराखौ 10 मिलियन डलाराव लानो लुबैयो। नाथाय एलेन्स हिल्डस बुडोदि, बे हिरानि बेसेनखौ खमै सानाय जादों आरो बेनि थि बेसेना 27 मिलियन डलार।



## बुहुमखौ खावनै बाहागोआव रानग्रा हांखो जाय सा-खोलानि फारागखौ दिन्थियो

जों बयबो मिथिगौदि, बुहुमआ नारें कमला बादि दुलुर आरो फारनै खर'आव एसे दाब्ले महरनि। बुहुमखौ साबसिनै नायबिजिरनाय आरो बुजिनयनि थाखाय माखासे हांखोफोरखौ सान्नानै लानाय जादों आरो बुहुमखौ खावनै बाहागोआव बोखावनाय जादों। ससेल मिडियाआव जों सानफ्रोमबो जों बुहुमनि बागौ आरो सानख'रंनि बागौ गोबां बाश्ना मिथिनो मोनो। नाथाय बेफोरनि गेजेराव बबेयाबा नोजेर होथाव जायो। जर'खायै ट्रेभेलाफोरनि भिडिअ खालामनाय आरो बलगफोरनि गेजेरजों जों न'आव थानानैबो



मुलुगखौ नायगिदिनो हानाय जाबाय। बिबिन्डो बुहुमनि मोनसे जायगानि भिडिअआ ससेल मिडियाआव भाइरेल जागासिनो दड। जों दुलुर बुहुमआव मोनसे एरैबादि बाहागो दड, जेराव बुहुमआ खावसे-खावसे रानाय। सरासन्सायै बुहुमखौ समातै

खावनै बाहागोआव रानाय सिन एबा डिभाइडरआ मुलुगनि गोबां हादरफोरनि गुबुन गुबुन सहरजों थाडो। नाथाय बे समाव युगान्डीन इक्वेटर लाइननि भिडिअआ गोखै भाइरेल जागासिनो दड। भाइरेल जानाय भिडिअआव नुनो मोन्दौदि,

सासे सुबुड युगान्डीन इक्वेटर लाइननि साखाथियाव गसंदों। बियो फोरमायदोंदि, बेयो बुहुमखौ खावनै बाहागोआव रानग्रा सान्नानै लानाय भुमध्य रेखा एबा इक्वेटर लाइननि बाहागो। बेजों लोगोसेनो बे लाइननि बागौबो फोरमायदोंदि, बेनिफ्रायनो बुहुमआ खोला आरो सा दुलुरखाव मोननै बाहागोआव बोखावलायो। बिबिन्डोआव जुदि, साहाफार्सेनि दैखो सोमावोब्ला बेयो क्लकवाइज गिदिडो, नाथाय बेखौ खोलाफार्से लाबोना सोमावोब्ला बेयो एन्टि क्लकवाइज गिदिनो हामो।

## कानपुरआव गं 9 गाहाइ दालां लुफुनायनि गनायथि होबाय



कानपुर, 12 नभेम्बर: सहरआरि आरो गामिआरि ओन्सोलफोरव फिसा-फिसा दालांफोरखौ लुनायनि थाखाय एमपि आरो एमएलएफोरनि पाब्लिक कनट्राक्सन बिफाननि गेजेरजों खुंथाइनो प्रपजल हर्दोमोन। समबारआव खुंथाइआ फिसा दालांफोरखौ एपुभ होयो। बे दालांफोरनि आबुं बिथोनखौ फोसावनाय लोगो लोगो

टेन्डर होनाय जागोन। पाब्लिक कनट्राक्सन बिफानआ 17 अक्टवरसिमाव जौगाखों हाबाफारिजों लोब्ला गोनां सुबुं थान्दैफोरनि प्रपजल बिदोमोन। बिफाननि इन्जिनियरफोय कानपुरजों लोगोसे देहात, इटाभा, औरिया, कलोज, फरुखाबादिनि जिल्लाफोरनि एमपि आरो एमएलएफोरनिफ्राय लयु सेतुनि प्रपजल लानानै खुंथाइयाव बाजेट गनायथिनि थाखाय दैथायहरो। पिडब्लिउसिनि इन्जिनियरफोय फोरमायदोंदि, मोन 6 जिल्लाफोरनि थान्दैफोरनिफ्राय गासै 171 प्रपजल होनाय जादों। बेखौ बोनायनो खुंथाइनिफ्राय 1136 कौटि रंनि बाजेट दावि देखानाय जादोंमोन। समबारव खुंथाइया कानपुर जनपदनि गं 6 फिसा दालांफोरखौ लुनायनि थाखाय बाजेट गथायो। बेफोर दालांआ लुफुनायनि उनाव खाथि खालानि गामियारि ओन्सोलनि थागिबिफोर मुलाम्फा मोनगोन आरो जाम जानायनिफ्राय रेखाथि मोनगोन। कानपुर देहात आरो बेला बिधुनफोरनिफ्राय फेनाय गारिफोर थोंजो हाइवेआव गाफेनो हागोन।

## प्रयागराजआव नैथि सानावबो फरायसाफोरनि धर्नाआ सोलिदों

गोदान दिल्ली, 12 नभेम्बर: पिसिएस आरो आरअ/एआरअनि सानसेआवनो मोनसे खोलोबाव आन्जाद खुंनाय आरो नर्मलाइजेसनखौ होबथानो दावि दैखानायखौ लानानै फरायसाफोरनि धर्नाआ नैथि सानावबो सोलिदों। रोजा-रोजा अन्जिमानि फरायसाफोर उत्तर प्रदेश सुबुं सिबिथाइ आयगनि बाइजोआव ज' जानो हामो। आथिखालाव पुलिसआ गावनि स्ट्रेटिजिआव सोलायहोयो। आयगनि बाइजोआव गोबां अन्जिमानि पुलिस हान्जा आरो पिएस थिसनो। फरायसाफोर धर्नानि नैथि सानाव महारियारि मेथाइ रोजाबनायनि उनाव जागयो। बेर फासै फुनि समाव जिल्ला बिबानगिरि आरो



कमिसनरआ फिन खेबसेबाव सोमावसारगा फरायसाफोरजों बाश्ना सावरयनो सौहैयो। जिल्ला बिबानगिरिआ लाउड स्पीकारनि गेजेरजों फरायसाफोरजों सावरयो। बे समाव फरायसाफोर जों नोंथानि थाखाय सावरयनायनि मोनसे

जौसां होदों होन्ना बुडे। नोंथाड गावनि थान्दै आफादिनि गेजेरजों आयगनि बिबानगिरिफोरनि सिगाडव लाखिनो होगोन होन्ना फरायसाफोर बुडे। बेर फासै बिबानगिरिफोर फरायसाफोरखौ धर्नाखौ फोजोबनो खनले-

खनले आर'ज गावदों। सुलुनि बायदिब्ला, सानसे सिगांबो आयगआ फरायसाफोरजों सावरयनानै बेनि सोमोन्दै मोनसे कमिटि दानानै होनाय जाबाय होन्ना बुडे। नाथाय फरायसाफोर गनायाखै।

## डनाल्ड ट्राम्पआ चीनखौ गाहायै सावरायग्रा माइक वाल्टजखौ महारियारि रेखाथि बोसोनगिरि खालामबाय

वाशिंटन, 12 नभेम्बर: आमेरिकानि हादतगिरि बि स। य ख' थि अ। व देरहासारनायनि उनाव डनाल्ड ट्राम्पआ एक्सन मडआव फेयो। ट्राम्पआ चीनखौ बेंखनायनि थाखाय प्लेन बानायनो जागायनाय बायदि नुनो मोन्दों। मख'जाथावदि, ट्राम्पआ रिपाब्लिकान थान्दै माइक वाल्टजखौ गावनि महारियारि रेखाथि बोसोनगिरि सायख'बाय। वाल्टजआ आमेरिकन सान्थिनि आजिर मोन्नाय ग्रिन बेटे, जाय चीनखौ गाहाइ सावरायग्राबो। ट्राम्पनि फोथाइजाथाव वाल्टजआ नेशनेल गार्डआव कार्नल महैरैबो खामनि मावदों। महारियारि रेखाथि बोसोनगिरि बिबानआ मोनसे गोहो गोरामासि, जायनि थाखाय सिनेटनि रोखा खालामनायनि गोनांथि जाया। वाल्टजआ गाहाइ महारियारि रेखाथि आयदाफोरव



ट्राम्पनो खौरं होनाय आरो गुबुन गुबुन एजेन्सिफोरजों समान्थिये हाबा माननायनि बिबान थागोन। वाशिंटननि राजखान्थियारि फोथाराव वाल्टजआ गोबाव

जारिमिनारि बाहागो लादों। बिथाड रेखाथि नेहाथारिफोर डनाल्ड रम्सफेल्ड आरो र्वट गेटसनि थखाथि रेखाथि खान्थि बिथोनगिरिमोन आरो 2018 आव

कं ग्रे सनि थाखाय सायख'जादोंमोन। फारसेथिं बिथाड सान्थि रसदाखो नोजेर लाखिग्रा हाउस आम्ड सार्थिसेज उन्न समिटिनि आफादिगिरि आरो संगालि केसफोरनि सायख' जानाय समिटिआवबो दंफयो। वाल्टज रिपाब्लिकाननि चीन टास्क फर्सआवबो दड आरो बिथाड बाश्ना बानबुथि होदोंदि, जुदि इन्ड'पेसिफिक एरियाआव दावहा जायोब्ला आमेरिकन सान्थिया एसेबां थियारि गैया, जेसेबां थियारि जानांगौमोन।

## ब्रह्मपुत्रआव जाहाज गोदोनाय जाथाया आसाम इन्लेन्ड वाटार ट्रेन्सपर्ट डिपार्टमेन्टआव अलखदखौ दिन्थियो

गुवाहाटी, 12 नभेम्बर : गुवाहाटीआव ब्रह्मपुत्र दैमायाव गंसे गोदान मुगानि जाहाज एमभि कामेश्वरीनि गोदोनायजों लोब्ला गोबां आथिखालनि जाथाया जाहाजफोरनि थासारि आरो आसाम इन्लेन्ड वाटार ट्रेन्सपर्ट डिपार्टमेन्टनि सालायनाय

हाबाफारिफोरनि सोमोन्दै गोथौये जिंगा सिनाय सोमजिहोयो। पान्डुआव मोनसे सुविधायाव फोसाव फिन्नायनि उनाव इन्लेन्ड वाटार ट्रेन्सपर्ट डिपार्टमेन्टनो गथायनो थाखाय लांबाय थानाय जाहाजनि मोनसे टेक्नीकआव गात्रि जायो आरो



खावसे महैरै लाचितघाटआव गोदोयो। बे जाथाया थानाय शनिबारखालि जायो आरो खाफाल मोजाडै बेयाव रवबो दावबायारिफोर गैयामोन। जुदि दावबायारिफोर दडमोनब्ला, फि थाइया मिखंथाव जानो हागौमोन।

बेयाव मोनसे रेखा खालामग्रा दोलोनि थि समाव आखाय होनाया बे जाहाजनि गोदोजोबनायखौ होबथायो, बे यावनि खावसे बाहागोयाल' दैयाव गोदोदोंमोन। बे जाथाया लाचितघाटआव लाखिनानै नायबिजिरनो जागायो।

लोब्ला थानाय अलखदफोरखौ दिन्थियो। जर'खायै एमभि कामेश्वरीआ वर्ल्ड बैंकिनि हेफाजाब मोन्नाय बिथांखिनि बाहागोमोन। बे जाहाजखौ अरायथा नडै महैरै लाचितघाटआव लाखिनानै नायबिजिरनो जागायो।

## रंजालि गथ'फोरनि सौरा

### फैफिन नों रजे

मिस कल्यानी बसुमतारी

आंनि गोर गोसोआव नों जेब्ला लुफावफेदोंमोन अननायनि फिथिखा नोंनि थार अननाया लासै गेलेम लांदोंमोन गोरबो बिखा। जेब्लानों गोरबोनि लांदां मासियाव-साननैसोनि आलासि जाना जिरायनायाव, बुंनय बैफोर नोंनि राव फावआ दड दाबोनो गोरबोनि दायरिफोराव रोखा रोखा। दिने सुथुरनि नाखेबनायाव-गोसोआ नोंनि आंनिफ्राय बेसेबा गोजानाव सुथुरखौ गियोब्ला मानोथो मोजां मोना सना? गोसो सिखाव जानानै रजे मोजां मोनलायनायनि गाथोनाव दागेले। नोंनि अननायखौ लानानै बावलांबायमोन आं दुखुनि सोमोन्दै, नाथाय नोंनि फोथाय खेबस अननाय दिने सोमजिहोबाय गोरबोआव हांमा...। नोंनि थाखाय सुजुनाय सिमाड सिमाडैनो गोमोलानांयबाय सना, नोंखौ लानानै लुनाय मिजिनि देरायावलाय सुथुरनि लुफावनाय अरा जोंब्लाउ फेबाय। नों आंनि गोजान जादोंब्लाबो गोमोराखे रजे नोंनि सावगारिया गोरबोनिफ्रायनो। सिमाड आंनि नोंनि थाखायल मोगथाडव नोंनि अननाय मोननायनि। गोरबोआव आंनो मोदैनि आगान होलांनानै आंनिफ्राय जानगारखो नों मा गोसो लानानै? मंगिलनाय सोलेरखौ लानानै दड आं नोंखौनो नागिरबायनानै, नाथाय दिने आंनि दावबायनाय लामायाव, गात्रफलांबाय आं सुनि बेहेराव। आंथिनि सुखौ बखनानै सानदोंमोन आं आगान सुरफिननो गोदानै, नाथाय बखनो हायाखिसै आं रजे नाजाब्लाबो गले गले। आंथिनि सुखौ बखनो- नों नडब्ला हानाय नड रावबो। दड आं दिने जग्रबनानैसो बे सुनि बेहेरावो, थैजासिम बेवनो थाबाय थानानै नोंखौनो आं लामा नायबाय थासै। माब्लाबा आंखौ गोसोखांफिनोब्ला अनसाय फैफिननो दाबाव सना बे लामाखौ सं दाननानै सानसे-आंनिफिम फैफिन नों रजे...।

### हायनारिसिम

जौमोन बेसोआव हायनारि हिसाबै हास्थायो आं नोंखौ जीउआव। रुगु गैयै बे फैलाव बुहुमाव हास्थियै-हास्थियै सफेबाय आं नोंनि साखाथियाव। बोज'बना लादो हायनारि आंनि गोबां बिखानि थार अननाय। सान अखाफोर साखि दोनानै लागोन आं समायखिरा खालामगोन आं नोंखौनो जीउनि लोगोरि। दहाय ! हायनारि..... दा दोनलां दावदाव आंनि गोबां बिखायाव खामगिल नांगोन आंनि जीउआ थैजासिम। जौमोन बेसोनि बोरनाय गोसोआ नोंखौनो अराय नोजोरनि सिगाडव लुबैयो, नोंखौ नुवाब्लानो आंनि गोसोआ बायगिलयो, हर-सान नोंनि सानथियावनो दोबै नाडे। हे हायनारि ! नोंनो आंनि जीउनि थिखानाय दावमैना दा खालामसे आंखौ बोदोर बारफेदो आंनि बिबार बागानाव बारसे समायना बिबार महैरै, गोजोनगलाय होफेदो आंनि बिखाखौ नेनानै दं आं बोदोर गोसो लानानै।

मुप्ति जाफु बर' मुसलपुर ।

### बडफा

बोदोर गोसोआ दाबो सुगिखाडे आं दिनेबो बै अल'खद बुबिलखौ दा नों बबाव दं बड'फा ! उदां मोन्थाइनि थाखाय सोमावसारनो-नोंनि जुरिजेननायाव सोबख'जाग्रा फोरनि आर्थि आखाइआव दाबो दं -खाखब जानाय जिन्जिरि। दोनजाबाय जोबथेसालि खोमसिआव हां सर्थेना थानांबाय गुबुनि सिडव अनसुलि जोनोम बिमानि हारिमु। बड'फा, दा-नों बबाव -- दा बिसोरो उदाइ'मोसागलांदोंसै दुथां सोबख'ग्रा फोरा मोसागलांदोंसै सोबख'नायनि जुथि आरो मोसागलांदों अदासारि फोरा। बड'फा-दाबो उन्दुना दं हनै सोबख' जाग्रा निखावरि फोरा बिसोरनि देराया बायलांबाय सोलेरनि रिआ गोफोन जालांबाय अब्लाबो मोनाखै बिसोरो-सिरि। दा हारिमुनि मुडव दुथां फोरा खुलिदोंसै अदासारिनि ग'ला, सोरगिदिं सागलोबदोंसै इनय आरो गादबनायनि मेला -- हावरिया आबादारि फोरनि थैजों गले गले जाहाबदोंसै जोनोम बिमानि गोथार जोनोमथिलि।

पवित्र ब्रत दैमारी ग'लाघाट

### रंजालिनि सिमां

नुदोंमोन आं मैयासो हर गेजेराव रंजालिनि सिमां, नाथाय गैया आंहा मोगथांआव, सासेबो गोरबोनि अनजालि। 'रंजालि नोंखौ मानो सोरांआव नुनो मोना मानो? हरनि उन्दुनाय समावल् नुजाफेयो मानो नों आंजों। गैया आंहा मोगथांआव नों बादि सासेबो अनजालि दड गुबुनहा गाव गावनि असे नुयोबोला आं मालायनि रंजा बाजा। नाथाय गैया आंहा सासेबो अनजालि अनजालिनों मोगथांआव नुजाफेदो आंजों नों मोगथांआव गेले फेदो आंनि मोदेरै नोंनो फुगारदो।

मुप्ति रिनदाव बसुमतारी गामि- 12 नं भुमका बिसिममुरी जिल्ला- कक्राझार, बिटिसि।

### मोगथाडसो सिमां

जेब्ला आं सिरियै गोदोहाबो सानबोलावरिनि देरायाव अब्ला जाखांफेयो फिर फिरनो मोगथाड सिमां बादि सिगलाबलाडे फारनैबो खावलाय। गिसिखालाडे ज्राम ज्राम हाब्रां। अब्ला आं आरो रासिननिफ्राय रासिन मिनिंसिनो, गोसोनि मोदेरै गोसोआवनो थाथोंसै साननानै- नाथाय गुबुनाय बान्दोनिस्सो महर लायो...। सोनाय फेयो..... बबे बिखाया बबे गोसोजों सहायखो? माबोरै.....? जिउआ जिउनिनो ना..... फोजेबग्रासो? खासि बिसिनो....? बेखायनोसो नामा रजे सिमाड सिमां नड मोगथाडसो सिमां?

मिस रंजालि गवांरि कक्राझार



# ट्राम्प आ स्टिफेन मिलारनो इमाइग्रेसन पलिसिनि बिबान होबाय

गोदान दिल्ली, 12 नवम्बर:

डनाल्ड ट्राम्प आ इमाइग्रेसन आयदानि जर् खागिरि स्टीफेन मिलारनो गोवनि डिप्युटि सिफ अफ स्टाफ महर् थिसनबाय। लेडइ हारदरगिरि जानो गोनां जेडि भेन्स आ स्टीफेननो गहाम हामलायथि होयो। भेन्स आ एक्स आब स्टीफेननो हामलायथि होना नै लिस्टादि, बेयो हारदरगिरिनि मोनसेबाव गोखों सायख नय। ट्राम्पनि सिगानि सरकार आब मिलारनो गागि बोसोनगिरिमोन। इमाइग्रेसन आयदाफोरव ट्राम्प आ होनाय बिबुंधिफोरखो थियारि खालामनायाव स्टीफेन आ गाहाइ बिफाव लाबोदों। बिसायख थियारि रिलिफोर आओ केम्पन आब स्टीफेनखो गोबां खेव ट्राम्पजों लोगोसे नुनो मोन्दोंमोन। मिलारनो जेब्लावो गाग्लोबनाय बडर् एनफर्समेन्टनि हेफाजाबगिरि। बिथाड खोला सिनेट आओ सा सिनेटजों लोगोसे लैथोमा आओ उरां रैखाथिनि बिबान मावफुं गोन। बेराफार्से बिथानो बिसायख थिनिबो बिबान होनाय जागोन। मिलारनो थिसनाया आहन बेरेखा आओ आइनारि मोननैबो इमाइग्रेसनखो सामलायनयनि फार्से इसारा होयो। भिजाजों लोगोसे आमेरिकायाव थाना जिउ थोनाय भारतयारिफोरनि सायाव बेनि गोहोम गोलेनो हागो होना नै सानाय जादों।



मानोना सिगानि सरकार आब वाल्टजखो गोवनि महारियारि रैखाथि बोसोनगिरि सायख थो। वाल्टज आमेरिकान सांश्रनि रिटयार ग्रीन बेट, जाय चीनखो गोखों सावरग्राबो।

गोदान दिल्ली, 12 नवम्बर : कानाडायाव धर्ना आ जोबनानै थोनायनि मुं लायाखे। बेनि गेजेरजों आथिखालाव खालिस्ताननि मदतगिरि आफाद सिख्स फर जास्टिस (एसएफजे) आ कानाडायाव हिन्दु मन्दिरफोरनि बायजोआव धर्ना खालामनो हुमखि होयो। बेबायदायाव हिंसानि अलखदखो नोजोर होना नै कानाडायाव ब्रेम्पटन त्रिभेणी फोलेरि मिरुआ भारतयारि थान्दै मावख 'नि फारसेनिफ्राय गावसोरनि खुंनय जीवन प्रमाणपत्र हाबाफारिखो होबथायो। कानाडा नि ब्रेम्पटन आब थानाय हिन्दु



मन्दिरफोरनि बायजोआव फौग 16 आओ 12 नवम्बराव भारतयारि राजथान्दै आओ मदि सरकारनि मदतगिरिफोरनि हेंथायै धर्ना होगोन। ब्रेम्पटन त्रिभेणी फोलेरि मिरुआ मोनसे बिबुंधियाव बुडोदि, हिंसायारि धर्नानि अलखदा जोबोद गिखंथाव। फोलेरि मिरुआ पील एलिसखो ब्रेम्पटन त्रिभेणी मन्दिरनि हेंथायै गोसाराय अलखदफोरखो सोमोन्दो लाखिनो आओ कानाडा नि हिन्दु फोलेरि आओ सरासन्सा

सुबुफोरनि थाखाय रैखाथिखो रोखा खालामनो खालायदों। बेर फारसे मन्दिर खुंथायजों फोलेरिनि बे गासे सोद्रोमाफोरनाव निमाहा बियो, जायफोर बेखो खुंथायनि सायाव सोनारदोमोन होना बुडो। बिसोर बुंवावदोंदि, जों बेबाश्रखो गोथैयै दुखु मोन्दोंदि, आथिखालाव कानाडा नि सुबुफोर कानाडायाव थानाय हिन्दु मन्दिरफोरव फेनायाव रैखाथि गैयै मोन्दोंदों। बेनिखानयो बिसोर पील पुलिसखो ब्रेम्पटन त्रिभेणी मन्दिरनि हेंथायै गोसार

होबाय थानाय हुमखिफोरनिफ्राय बारग 'नो आओ रैखाथि होनो खालायदों। बेनि सिगानि थोनाय 3 नवम्बराव टर्न्टनि खाथि ब्रेम्पटनव हिन्दु सभा मन्दिराव मोनसे कानसुलार केम्पखो खालिस्ताननि मदतगिरिफोरा हिंसाजों हेंथा होदोंमोन, जायखो कानाडा आओ हारिमायारि थाखायाव गोखोडे सोंखारिदोंमोन। भिडिअयाव मन्दिरनि खाथि-खालानि फोथारव बुंनय आओ सुबुफोरखो लावथिजों गाग्लोबनाय नुनो मोन्दों।

# पेट्रल आओ डिजेलनि गोदान आपडेट फेदों

गोदान दिल्ली, 12 नवम्बर :

सरकारि अइल माके टि कम्पनीफोरा सानफ्रोमबोनि फुं आब पेट्रल-डिजेलनि बेसेनखो आपडेट होयो। 2017 माइथायनिफ्रायनो सानफ्रोमबो फुंनि 6 सिगायाव थावनि बेसेनाआ आपडेट जायो। बे बिबानखो सरकारि अइल माके टि कम्पनीनिफोरनो होदों। थाव कम्पनीफोरा कुड अइलनि प्राइसनि हिसाबै बेसेनफोरखो सोलायनो हायो। थोनाय माखासे साननिफ्रायनो इन्टर नेशनेल माके टिआव बेन्चमाक ब्रेन्ट



कुडनि बेसेनफोराव दावखलायनायखो नुनो मोन्दों। बेनि बेसेना आथिखालाव मोनफ्रोम

जौखोन्दो दावखलायदों। अदेबानि कुडनि बेसेनाव दावखोलाय-दावखलायनायआ जाबाय थयो। बेनिखायनो थाव कम्पनीफोरा पेट्रल आओ डिजेलनि बेसेना माखासे सोलाय-सोल 'खालामाखे। थाव कम्पनीफोरा 12 नवम्बर 2024 नि थाखाय बेसेनखो फोसावदों। जुदि नोंथोमोनहावो पेट्रल पाय्मआव थोना नै टैक फुल खालामहैनो नागिरदोंब्ला सिगानि लेटेस्ट रेटखो टैक खालामना लानाया गाहाम। दिल्लीयाव पेट्रलनि बेसेना लिटारसेयाव 94.76 रं आओ डिजेलनि बेसेना लिटारसेयाव 87.66 रं, मुम्बाइआव पेट्रलनि बेसेना लिटारसेयाव 103.43 रं आओ डिजेलनि बेसेना लिटारसेयाव 89.95 रं। कलकातायाव पेट्रलनि बेसेना लिटारसेयाव 104.93 रं आओ डिजेलनि बेसेना लिटारसेयाव 91.75 रं। चेन्नाइयाव पेट्रलनि बेसेना लिटारसेयाव 100.73 रं आओ डिजेलनि बेसेना लिटारसेयाव 92.32 रं। नएडाआव पेट्रलनि बेसेना लिटारसेयाव 94.83 रं आओ डिजेलनि बेसेना लिटारसेयाव 87.96 रं।

लिटारसेयाव 87.66 रं, मुम्बाइआव पेट्रलनि बेसेना लिटारसेयाव 103.43 रं आओ डिजेलनि बेसेना लिटारसेयाव 89.95 रं। कलकातायाव पेट्रलनि बेसेना लिटारसेयाव 104.93 रं आओ डिजेलनि बेसेना लिटारसेयाव 91.75 रं। चेन्नाइयाव पेट्रलनि बेसेना लिटारसेयाव 100.73 रं आओ डिजेलनि बेसेना लिटारसेयाव 92.32 रं। नएडाआव पेट्रलनि बेसेना लिटारसेयाव 94.83 रं आओ डिजेलनि बेसेना लिटारसेयाव 87.96 रं।

# इरानआव उतखारिफोरनि गाग्लोबनायाव सा 5 रैखाथि हान्जाफोरनि जिउ गोमादों



तेहरान, 12 नवम्बर: इजराइलजों जेंना सोमजिनयानि गेजेरजों इरानआव गिदिर उतखारि गाग्लोबनाय जाथाय जायो।

इरानजों नांजाबनाय पाकिस्तान सिमनायाव उतखारिफोरनि गाग्लोबनायाव इराननि सा 5 रैखाथि मावसुमाफोरनि जिउ गोमादों। सरकारि सुलुनि बादिब्ला, जिउ गोमानाय रैखाथि मावसुमाआ रिभल्युसनारि गार्डनि बासिज हान्जानि बलुच सोद्रोमामोन। दासिमआव रवबो हान्जाया बे गाग्लोबनायनि बिबान लायाखे। सरकारि टिभिआव फोसावग्रा खौराडाव फोरमायदोंदि, रिभल्युसनारि गार्ड आओ मोनसे हाबाफारिआव सा 3 उतखारिफोरखो गावथारदों आओ सा 9 खो हम्दों। थोनाय दानआव सिनाय मोने हाथियार लाफ्राफोर रिभल्युसनारि गार्डनि गाहाइजों लोगोसे साबै सुबुफोरखो जिउ फोजोबदोंमोन। थोनाय सेपेम्बर दानआव सिस्तान आओ बलुचिस्तान ओन्सोलाव साबै सिमना रैखाथिफोरखो जिउ फोजोबदोंमोन। बलुचफोरनि मोन्थायखो दाबि दैखांरा जेश अल-अदलआ सासे उतखारि आओ सा नै सांश्रिफोरनि जिउ लानाय बाश्रखो सिमान लादोंमोन। आफगान आओ पाकिस्तानजों नांजाबनाय सुन्नी बहुल ओन्सोलाव एक्विउ उतखारिफोरनि जाहोनाव पाकिस्तान आओ इराननि गेजेरव माखासे खेव जेंना गोनां थासरि सोमजिजांबाव। इरान फ्रन्ट पेजनि बादिब्ला, रैखाथि हान्जाया उतखारिफोरखो नागिरनायाव नांथाबदों। सिस्तान आओ बलुचिस्तान ओन्सोलाव सरवननि सिमना ओन्सोलाव थोनाय माखासे बोसोरफोराव इराननि रैखाथि हान्जा आओ उतखारि हान्जाजों लोगोसे इगस सिखावफोरनि गेजेराव दावराव जाग्रा मिरु जाबाय। थोनाय मे दानआव सरवननि माजे-सराव हाथियार लाफ्रा उतखारिफोर आओ इस्लामी सोमावसासनायखो हेंथा होया हान्जाफोरनि गेजेराव जेनाय दाडा-बाजिआव सा 5 इराननि सिमना रैखाथिफोरनि जिउ गोमादोंमोन।

No. BWRD/NIT-1/2017/876 Dated 01/11/2024

**SHORT NOTICE INVITING TENDER**

Sealed tender in prescribed form (no tender in cyclostyled copy/carbon copy photo copy will be accepted) to be eventually drawn in APWD form of F-2/H (as the case may be) affixing non-refundable court fee stamp of Rs. 8.25 (Rupees eight and paise twenty five) only in single group/package are hereby invited from the registered contractors/firms under W.R. Deptt. or Addl. Chief Engineer, Kokrajhar Zone, W.R. Deptt. B.T.C. Kokrajhar for following works.

The tender paper will be received by the undersigned in his office up to 2.30 P.M. on 22<sup>nd</sup> Nov./2024 and will be opened on same date, place, time and hours. If the date of receiving opening tender happens to be holiday/bandh or if it is not possible to receive tenders in stipulated date for any reasons the next working day will be considered as last date of receive /opening tender.

Detailed N.I.T, plan & specifications of works, items, terms and conditions, group list etc. for the work may be seen in the office of the undersigned during office hours on any working day up to 2.00 P.M. of 22<sup>nd</sup> Nov./2024.

Detailed tender paper for each group/package may be obtained from the office of the undersigned on payment of Rs. 500.00 (Rupees five hundred) only (Non-refundable) in the form through I.P.O./Bank draft duly pledged to the undersigned payable at Mushalpur Treasury, Baksa during office hours on all working days up to 2.00 P.M. of 22<sup>nd</sup> Nov./2024.

The tenderer or their authorized representative may remain present at the time of opening the Tenders.

**Name of the Scheme:-** Construction of embankment on L/B of river Mara Pagladia at village Ashramchupa under SOPD (BTC) for 2023-24. **Value of work (Rs. 11,93,000.00)**

A) Time for completion work:- 30 (thirty) days from the date of issue of work order.

Sd/-  
Executive Engineer,  
Baksa W.R. Division, Mushalpur

IPR(BTC)/C/2024-25/855

No.: ACE-50/TECH/KOK(BLDG)/IFB/2016-17/613 Dated Kokrajhar, the 12/11/2024

**TENDER NO. 31 OF 2024-25 INVITATION FOR BID (IFB)**

The Additional Chief Engineer-Cum-Director, PWD, BTC, Kokrajhar on behalf of Governor of Assam invites bids from eligible contractors registered under PWD (Electrical) department of Assam/ Bodoland Territorial Council of Class-I (A,B,C), Class-II and Class-III, category for the work as detailed below :-

Sl. No.	Name of Work	Package No.	Cost of Construction (Approx) in Rs.	Completion Period	EMD (In Rs.)	Cost of Tender document (D/D) in Rs.
1	Modification of controlling system of 3 nos. 40 TR Screw Type Chiller Water plant at Bodofa Cultural Complex, Chandamari, Kokrajhar.	TN No.31/1	Rs. 19,66,353.00	3 Months	Rs. 19,700.00/- (Reserved Category) & Rs. 39,400.00/- (GENL)	1000.00

Detail IFB may be seen in all working days in the office of the undersigned. Bid will be issued to the contractor or their authorized agent up to 16:00 Hrs. from 13/11/2024 to 21/11/2024 in the office of the undersigned on payment in the form of Bank Draft duly pledged to the Principal Secretary, Bodoland Territorial Council, Kokrajhar, payable at Kokrajhar. The bidder has to submit 2% in case of GNL and 1% in case of ST/SC/OBC as Bid security in the form of Fixed Deposit under any Nationalized Bank duly pledged to the concerned Executive Engineer, PWD, BTC at the time of submission of Bid.

**N.B.:**

- Date of received of application/ Issuing of bidding documents: 13/11/2024 to 20/11/2024 (upto 16:00Hrs).
- Date of receiving of bids : 05/12/2024 (up to 14:30 Hrs).
- Date of opening of Technical Bid : 05/12/2024 (at 15:00 Hrs).
- In case the office remains closed due to various reasons on the scheduled dated as mentioned in the I.F.B. the same will be issued/received/opened on the next working days.
- Contractor/ Bidders must submit Bank Certificate from Nationalized Bank, Affidavit for Key person, Affidavit for Tools, Plants, Audit report for last 5 (Five) years & Latest copy of Registration/PAN/Labour License/GST/EFP Certificate etc.
- Contractor/ Bidders who do not fulfill the requirement need not apply for Bid. The Addl. Chief Engineer-cum-Director, PWD, BTC, Kokrajhar reserves the right of issuing of Bidding documents or outright rejection of the same without assigning any reason thereof.
- The intending bidders or their authorized representative may remain present at the time of opening of Bid.
- Other details can be seen in the bidding documents.
- This IFB will form a part of the contract agreement.
- The successful bidder shall deliver Performance Security of 1% (one P.C.) for ST/SC and 2% (two P.C.) for GNL of the contract price in the form of Fixed Deposit under any Nationalized Bank duly pledged to the concerned Executive Engineer, PWD The approximate value of work is inclusive of G.S.T.
- Payment will be made subject to availability of fund.
- Rate quoted by the bidder will be evaluated as per Govt. Notification No. BTC/PWD(R)-11/2009/Pt.II/139, dt. 22/02/2023.

Sd/-  
Addl. Chief Engineer-cum-Director,  
PWD, BTC, Kokrajhar

IPR(BTC)-2023-24/861

No. DPRD/BTC/(6<sup>th</sup> ASFC)DF(V)/UdI-02/2024/15 Dated Kokrajhar, the 11<sup>th</sup> Nov., 2024

**CANCELLATION OF PRESS NOTICE**

The NIT invited vide No. DPRD/BTC/(6<sup>th</sup> ASFC)DF(V)/UdI-02/2024/8, dated Kokrajhar, the 29<sup>th</sup> Aug., 2024 against the work "Const. of E/F and S/G road from Deulguri-Edenbari connecting Pucca road to Fasia village" amounting to Rs. 20,00,000.00 (Rupees twenty lakhs) only under the Award of 6<sup>th</sup> ASFC Direct Fund for the year 2023-24 (i.e. 360400-200-5793-707-35-98) during 2024-25 has been stand cancelled due to technical issues from this end.

Details may be seen at website <http://assamtenders.gov.in> and also at the Office of the undersigned during office hours.

Sd/- Director,  
Panchayat & Rural Development,  
BTC, Kokrajhar

IPR(BTC)/C/2024-25/853

No. DSKG/BTC-141 /I/PLAN/2018/47. Dated Kokrajhar the 12<sup>th</sup> November '2024

**INVITING SHORT TENDER NOTICE**

Fresh Sealed Tender in plain paper validity 180 days affixing court fee stamp of Rs. 8.25 (Rupees Eight & twenty five paise) only to be eventually drawn up in PWD F-2 form tender agreement for the following works are invited from the Registered Contractor to be received from 13-11-2024 by the undersigned upto 17-11-2024 and opening on 18-11-2024 at 3:00 PM in presence of the contractor or their authorized agents. If the date of opening tenders in holidays the tender will be opened in the next working days.

Details terms and conditions, estimate etc. may be seen in the office of the Directorate of Sericulture, B.T.C. Kokrajhar during the office hours.

Sl. No.	Name of Works	Estimated cost (Rs. In Lakhs)	2% E.M.	Time of completion
1	Repairing of Technical building at Rainadabri ECC in Kokrajhar under SOPD for the year 2024-25	Rs. 10,00,000.00	Rs. 10,00,000 (1% for SC/ST) Rs. 20,00,000 (2% for General)	3 months
2	Construction of Asstt. Director of Sericulture office building at Kajalgaon in Chirang District under SOPD for the year 2024-25.	Rs. 19,98,000.00	Rs. 19,98,000 (1% for SC/ST) Rs. 39,96,000 (2% for General)	3 months

Sd/-Director of Sericulture  
Bodoland Territorial Council  
Kokrajhar

IPR(BTC)-2023-24/857

No. ACE-106/PWD/IFB/Pt-I/2023-24/70 Dated Kokrajhar the 12<sup>th</sup> Nov/2024

**TENDER NO. 33 OF 2024-25 PRESS NOTICE (e-Procurement)**

The Addl. Chief Engineer-cum-Director, PWD, BTC, Kokrajhar invites fresh bids on behalf of Governor of Assam for the work "Construction of Assam type Building consist of one hall room, one officer room with toilet and tube well facility at village Tetiguri under Tamulpur District" of works under Executive Engineer, PWD, (Bldg & NH), Udalguri District & Baksa District Territorial Building Division, Udalguri amounting to Rs.25.00 Lakh (Approx.) from the eligible contractors registered under Class-III, Class-II & Class-I (A,B&C) category under PWD (Buildings), Assam or BTC.

Details may be seen at website <http://assamtenders.gov.in> and also at the office of the undersigned during office hours.

**NB:** Rate quoted will be evaluated as per BTC, Govt. Notification vide No. BTC/PWD(R)-11/2009/Pt.II/139, Dated Kokrajhar the 22/02/2023

Sd/-  
Addl. Chief Engineer, Cum Director, PWD,  
Bodoland Territorial Council, Kokrajhar

IPR(BTC)/C/2024-25/859

No. BDB/Tender/46/2023-24/3285 Date 09/11/2024

**SHORT NOTICE INVITING TENDER**

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 days which will subsequently to be converted and drawn up in the printed of F-2 form are invited from the registered contractors of Class-I (A, B & C), Class-II & Class-III category of Assam PWD (Roads & Building) and BTC according to their eligibility for submitting tenders for the works Under AOP (SOPD Fund) Under the P&RD Dept. for the year 2024-25, BTR Kokrajhar as stated below. The tenders will be received by the undersigned up to 2.00 PM on 5/12/24 and will be opened on the next date (as on 6/12/24) & place at 2.30 PM.

Sl. No.	Name of activity	Est'd. Value (in Lakhs)	Tender Value	EMD/Bid Security (in Rs)	Cost of Tender paper (in Rs.)	Pre-bid date and Time	Last date & time of bid submission	Date & Time of bid opening	Time of completion of Work
1	Const. of Community Hall at West Khasiachuba Village	17,00,000/-	16,15,000/-	(for 17,000/- ST, SC) 34,000/- (for OBC/General)	510	13/11/24	5/12/24	6/12/24	6 month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 13/11/24 to 6/12/24 up to 1.30 PM. In the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary, BTC Kokrajhar payable at Kokrajhar.

Sd/-  
Block Dev. Officer,  
Bhergaon Dev. Block, Bhergaon

IPR(BTC)-2023-24/852

No. UDB/Tender /01/2022-23/ Date: 06/11/2024

**SHORT NOTICE INVITING TENDER**

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 days which will subsequently to be converted and drawn up in the printed of F-2 form are invited from the registered contractors of Class -II and Class -I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 & other financial years as stated below. The tenders will be received by the undersigned up to 12.00 Noon on 06/12/2024 and will be opened on the same date & place at 2.00 P.M.

Sl. No.	Name of work	Tender Amount (In Rs.)	Cost of Tender Paper	Time of Completion of Work
1	Const of smart fencing near All Anchalik Bathou Mahasabha Udalguri community Hall Udalguri under Cultural Affairs Department(SOPD) for 2024-25	8,00,000.00	Rs.500.00	3(three) months from the issue of Formal Work Order
2	Const of drinking water project in Udalguri Civil Hospital	19,09,000.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 13/11/2024 to 06/12/2024 in the office of the undersigned on payment.

Sd/-  
Block Development Officer  
Udalguri Development Block

IPR(BTC)-2023-24/858



**( 1 बिलाड़निफ़्राय )**

*बड'लेन्ड महत्सबआव बाहागो लानो थाखाय ...*

बंग आरो नेपालनिफ़्राय खमैबो ५,००० नि बांसिन सुबुंफोर दिनै दिल्ली फासँ रवना होलांबाय । गुवाहाटीनि कामाख्या स्टेसन आरो राडपारा स्टेसननिफ़्राय हगारनाय गनै जर'खा ट्रेनजौं दिल्ली फासँ दावबायलांदो बड'लेन्ड महत्सबआव बाहागो लागिरिफोरा । मख'नाय जायोदि, दिने १२ नभेम्बरखालि गुवाहाटीनि कामाख्या स्टेसननिफ़्राय फुंबिलि ८:०० रिगायाव दिल्ली फासँ थानाय जर'खा ट्रेनखौं हगारनाय जादों । कामाख्या स्टेसननिफ़्राय हगारनाय गिबि जर'खा ट्रेनआव खर'सा आसाम आरो गेजेर आसामनि गुबुन गुबुन जिल्लाफोर फारियै- डिब्रुगड़, सराइदेउ, गलाघाट, कार्बि आंलं, नगाव, मरिगाव, हजाइ, खोला कामरुप, कामरुप मेट्र, गवालपारा, शिलचर आरो शिलंनि दावबायारिफोर कामाख्या स्टेसनआवोनो बाखोदों । बे एखे ट्रेनआनो निउ बडाइगाव स्टेसनआव सान्जौंफुनि १२:०० रिगायाव सौफेदों आरो बडाइगाव स्टेसनआव चिरां जिल्लानि सुबुंफोर गाखोयो । बेनि अनगायैबो बे ट्रेनआ कक्राझार स्टेसनआव १२:३५ रिगायाव लाखिफेदों आरो बेयाव कक्राझार जिल्लाजों लोगोसे सोनाब बंग राइज्यो आरो नेपाल हादतनि गोबां सुबुंफोर गाखोनायखौं नुनो मोन्दों । गुबुन फासँ २थि जर'खा ट्रेनआ राडपारानिफ़्राय ८:०० रिगायाव हगारदों । बेबायदिनो राडपारा स्टेसनआव धेमाजि, लक्षिमपुर, बिस्वनाथ आरो सनितपुर जिल्लानि सुबुंफोर गाखोयो । बेनि उनाव फुंबिलिनि ९:१५ रिगायाव बे ट्रेनआनो उदालगुरियाव लाखिफैयो । उदालगुरिनि सुबुंफोर उदालगुरि स्टेसनआव बाखोदों । बेनि उनाव रडिया स्टेसनआव १०:५० रिगायाव लाखिफैनायलाय, बाक्सा, तामुलपुर, बरपेट, नलबारि आरो कामरुप जिल्लानि गोबां सुबुंफोरा गाखोनानै बड'लेन्ड महत्सबआव बाहागो लानो थाखाय दिल्ली फासँ रवना होलाखे । बे गनैबो ट्रेनआ दिल्लीआव फैगौ १४ नभेम्बरखालि बेलासिनि ४:०० रिगायाव सौहैगोन ।

मख'नाय जायोदि, जारिंमिनारि महैरै राजथावनि गोदान दिल्लीआव खुंजानो गोनॉ बड'लेन्ड महत्सबआ १५ नभेम्बरखालि फुंबिलि ११:३० रिगायाव एबसु, बर' थुनलाइ आफद, दुलाराय बर' हारिमु आफद आरो गान्धी हिन्दुस्तानो सहित्य सभानि फिरफिला बिरहोनाय हाबाफारिजों जागायगोन । बेनि उनाव माहारिनि बिफा महात्मा गान्धी आरो बड'फा उपेन्द्रनाथ ब्रह्मनो मान बाउनाय, बेलासिनि ४:०० रिगायाव बड'लेन्ड हालाम, आसाम आरो भारतआव थानाय गुबुन गुबुन हारि-माहारिफोरनि हारिमुवारि दिन्थिफुंनय हाबाफारि लानाय जादों । बेलासिनि ६:३० रिगायाव हादतनि गाहाइ मन्थि नरेन्द्र मदिआ बे फोर्बोंआव बाहागो लागोन आरो बिथाख बे महत्सबनि लोब्बायै बर'नि जिआइटेक मोन्नाय गुबुन गुबुन मुवा-बेसादफोरनि गला, दोरोडारि मोन्नाय-जोमनाय, दामजुआरि आइजें-आइला आरो जाग्रा मुवा-बेसादफोर दिन्थिफुंनयखौं नायगिदिंगोन । हादतनि गाहाइ मन्थि नरेन्द्र मदिखो बे हाबाफारियाव बर'नि दोरोडारि मोसानाय आरो गुबुन हान्जा मोसानायजों गाजा-गोमजायै बरायनो थाखायबो थियारि खालामनाय जादों । गाहाइ मन्थि नरेन्द्र मदिआ बड'फा उपेन्द्रनाथ ब्रह्मनो मान बाउगोन । बे महत्सबनि लोब्बायै दिहुन्नाय बड'लेन्ड जायख्लं मुनि गांसे बिसम्बोखौ गावनि आखायजों बेखेवनानै होगोन । बेनि उनाव मोनाबिलि ७:०० रिगायाव बड'लेन्ड महत्सब आरो जनजातीय गौरब दिवसनि लोब्बायै मोनसे उदां सावराय मेल लानाय जागोन । जेराव जर'खायै बर'नि बेसेन गोसा हारिमु, दोरोडारि आरो थुनलाइआ भारतआरि सम्पदिनि थाखाय होनाय बिहोमानि सायाव सावरयनाय जागोन । एबसुनि आफादगिरि दिपेन बर'नि मासि लानानै दैदनगोन बे गेवलां मेलआव बिटिआर गाहाइ मावफुं सोद्रोमा प्रमद बर', आसामनि गिबि मन्थि ७ हिमन्त बिश्व शर्मा आरो गाहाइ मन्थि नरेन्द्र मदिआ बिबुंथि लाखिगोन । बेबायदिनो नैथि सान थामहिन्ब १६ नभेम्बरखालिबो फुंबिलि ९:३० रिगानिफ़्राय मुंख्लंफोनो मान बाउनाय हाबाफारिजों जागायजेनगोन । नैथि सानखालि फुंबिलि १०:०० रिगायाव साइ इन्दिरा गान्धी स्टेडियामनिफ़्राय जागायनानै मोनसे गेदेर हारिमुवारि हान्जा सुरनाय हाबाफारि लानाय जागोन । बे सानखालिनो बेलासिनि ३:०० रिगायाव बर' थुनलाइ आफादनि ७३थि गायसन्थाइ साननि लोब्बायै सोलोंथाइ आरो थुनलाइ आयदानि सायाव सावरयनाय हाबाफारि लानाय जागोन । बेनि उनाव भारतनि गुबुन गुबुन फोथाराव खामानि मानवानै हादतनि थाखाय बेसेन गोसा बिहोमा होनो हानाय माखासे गेदेमा बिथंमोमोनो ७ प्रमद चन्द्र भत्तचार्य, सुबुंथिनि थान्दै बिनेस्वर ब्रह्म, सोरबां सुबुं बिहुराम बर', गियान सिबिथाबग्रा मधुराम बर' बिमुंजों मेल बाउनाय आरो बरायनाय जागोन । बेलासिनि ५:०० रिगायाव जागयागारि हारिमुवारि सावराय मेल लानाय जागोन आरो जोबथा हाबाफारि बायदिनै मोनिनि ७:३० रिगायाव बड'लेन्डजों लोगोसे आसाम आरो हादतनि माखासे नामदंछा मेथाइ रोजाबगिरि, महरगिरिफोरनि बाहागो लानायाव गेदेर हारिमु मोनाबिलि लानाय जागोन । जेराव बलिउडनि मुंदांछा मेथाइ रोजाबगिरि पापनआ बाहागो लागोन । मख'बावनाय जायोदि, हादतनि राजथावनि गोदान दिल्लीआव गिबि खेबनि थाखाय खुंनो लानाय बे बड'लेन्ड महत्सबखौं जाफुंसार महैरै खुंफुंनो हानांगोनि थाखाय बर' माहारिनि गासै दैदेनिगिरि, सानसुमै, मेलेमजिवि, सोलोंथाइगिरिफोरजों लोगोसे दुलाराय बर' राइजो-राजाफोरनो हामब्लायथि हरदों ।

*आसामनि राइज्यो बेंगिरिआ सैनिक फरायसालि गवालपारानि हिराथि माइथाय फालिथायाव ...*

सानखदांदोमोन । बिथाख गोदान दिहुन्थाय, गोदान मुगायारि खालामनाय आरो गावखौं सोनारनायनि गेजेरजों भारतारि रैखाथि आरो भारतारि रौनिया हान्जानि बिथाखौ गोखों खालामनायाव गाहाइ मन्थि नरेन्द्र मदिनि नाजानायफोरखौबो बाख्नायो । बे फालिथायाव राइज्यो बेंगिरिया सैनिक फरायसालि, गवालपारानि फोरोंगिरिफोरखौ दैदेनो आरो बाख्नायो, जाय रौनिया हान्जा, इन्जिनियारि सिबिथाय, फाहामथाय सिबिथाय, गेलेमुफोराव हादतनि थान्दैथि खालामगासिनो दं, जायफोरखौं बान्थाजों मान होनाय जायो । फरायसालिनि बारग' फरायसाफोरखौ बाख्नायनानै, राइज्यो बेंगिरि आचार्यआ नोजोर होदों, 'नोंथाख जॉनि हादतनि मोनफ्रोमबो खनायाव सैनिक फरायसालि, गवालपाराखौ थान्दैथि खालामो, बेनि आदर्श, बेसेनफोर आरो उनमोनथाइखौं सिगांथि लॉनानै, नोंथाख बेखौं थि खालामनो थाखाय मोनसे गोहोम गोमो बिफाव लागासिनो दं दि फरायसालिनि फिरफिलया जेखौंआ गोजौंआव बिरहोयो ।' बिथाख फरायसालिनि थाखाय रडमपेखौं महर होनायाव गावसोरनि बाउसोमनायनि थाखाय फरायसा, फोरोंगिरि, मावफारिया आरो बिमा-बिफाफोरखौ साबायख'र बाउहरो । बेनि धोनि उनमोनथाइखौं नोजोर होनानै, बिथाख राइज्यो बेंगिरिया बेखौबो मिजिं थियोदि सैनिक स्कुल, गवालपाराय फैब्राय थानाय जोलैफोरखौ थुलुंगा होबाय थागोन, आबुं गोसो आरो बाउसोमनायजों हादतखौं सिबिगोन । बिथाख बुंबावोदि बिथांहा आबुं मिजिं दं दि फरायसालिया गोबां फरायसाफोरनि थाखाय मिजिंनि स्त्रां जाबाय थागोन, जाय बिमा हादतखौं सिबिनो थाखाय गोजौं थाखोआव थानो फिरफियासिनो दं । लैफिटनेट जेनेरेल ( आजिरा मोननाय) आर पि कलितो, एयार मार्शल ( आजिरा मोननाय) ए के गौे, सैनिक फरायसालिनि गोनायुं वाइ एस परमार, फोरिगिरि आरो मावफारिया, फरायसा आरो बिसोरनि बिमा-बिफाफोराबो हिराथि माइथाय फोर्बों फालिथाइनि हाबाफारियाव दंमोन । राइज्यो बेंगिरिया गावनि गवालपारा दावबायनायनि मोनसे बाहागो महैरै राभा हारिनि मोनसे थागिबि गामि दिघली गामियाव दावबायहैयो । गामियारिफोरजों खुंनाय मोनसे सावराय जथुमनि सभाव, राइज्यो बेंगिरिया बिसोरनि थाखाय मोनो हानाय सरकारि खाबुफोरनि खौरं लायो । बिथाख गामियाव आइजो आथोन रुजुखखाया गोजौं जानायाव गोजेन्नाय फोरमायो, जायखौ राइज्यो बेंगिरिया बुडेदि मोनसे मोजां जौगाथाय जाय 'बिकसित भारत'नि जथाइ नोजोरखौं गोखों खालामनो हानाय गोहो दं ।

*दिमा हासावनि मावख'गिरिफोरा समबाय मडेलफोरनिफ़्राय सोलॉनो थाखाय .....*

अफ क'अपारेटिभ ससाइटि आरो सिइसडि, ककराझार आरो डिआरसिएस, चिरांजों लोगोसे बड'लण्ड टेरिटरियेल रिजन (बिटिआर) नि गोबां समबाय आफाद, जेरै रिफाइन्डरि कर्नजिउमार सि एे ए लिमिटेड, धालिगांव, घोषकातायाव पर्ल कल्टिवेशन सेन्टार आरो गुबुन गुबुन गुदि आबाद क्रेडिट ससाइटिफोर (पिएसिएस) आव थान्दै हान्जाया दावबायहैयो । बिटिसिनि समबाय बिफाननि सिइसडि जयन्त खेरकाटारिया थान्दै हान्जाखौं दुंबुदुयै बरायो आरो बिटिसिनि गाहाइ मावफुं सोद्रोमा प्रमद बर' आरो बिटिसिनि मावफुं सोद्रोमा उकिल मुसाहरीनि दैदेन्नायाव ओन्सोलाव हेफाजाब होलायनाय सोमावसारनायखौ गोखों खालामनो बिफाननि हाबाफारिफोरनि सोमोन्दै गुवारै फोरमायो । बिथाख मुक्ता आबाद, माल्टि-क्रुपिं आरो मडेल पेक्स बायदि जाफुंसार मावथांथिफोरनि सायाव नोजोर होयो । दिमा हासावनि थान्दै हान्जाया दुंबुदुयै आलासि सिबिनाय आरो बड'लण्डनि हेफाजावारि जाफुंसारनाय सल'फोरनिफ़्राय सोलॉनाय खाबुखौं बाख्नायो । बिथामोनहा गावसोरनि ओन्सोलाव हेफाजाब होलायनाय सोमावसारनायखौं बांहोनो थाखाय बे दावबायनार्यनिफ़्राय मोन्नाय गियानखौं बाहायनो सानथांथि बानायदों । बिथामोनहा बे दावबायनायखौं सुविदा होनायनि थाखाय सा काछर हाजो गावखुंथाय गौथुमनि समबाय बिफाननि मावफुं सोद्रोमा समसिं तरं आरो सा काछर हिल्स गावखुंथाय गौथुमनि प्रिन्सिपाल सेक्रेटारि टिटि दावलागुफुनिंसिम साबायख'र बाउहरो ।

मुंदांछा फक्बुंजर आरो फांलगिरि दिलीप कुमार दासआ हारिमुवारि हाबाफारि खुंनाय जौसंयाव 'जय असम' मख'नानै माखासे बिबुंथि लाखिदों । फुजा बान्जाय आफादनि नेहाथारि भबेश बरदलैआ सामलायनाय हाबाफारिनि हारिमुवारि मोनाबिलियाव मुंदांछा देंखोगिरि रुपांकृता-अलंकृताआ देंखो रोजाबनानै रोजा-रोजा नायगिरि राइजो-रजाफोरनि गोसोखौ बोनो हादों । बेनि सिगां मोनाबिलियाव बान्था गथायनाय हाबाफारियाव आफादगिरि मासि सामलायदों बान्जाय आफादनि आफादगिरि भबेन

बरुवाय । हाबाफारियाव गाहाइ आलासि महैरै बाहागो लाफेदों बनभग फरायसालिमानि आजिरा मोन्नाय गोरामुं जगेन्द्र कलित, सोलोंथाइगिरि अनिल शर्मा, तपन बैश्य, सुभाष बर्मन, नलबारि गेदेर गन सेवा मन्वनि आफादगिरि नब' कुमार तालुकदारमोनहा । हाबाफारियाव गन' सेवानि बान्जायनायाव जगद्धात्रि फुजायाव खुंनाय गुबुन गुबुन गेलेमु बादायलायनायनि बान्थाखौबो गथायना होयो । दिनै बेलासियाव मुसुखा फोजावहरनाय हाबाफारिजों जगद्धात्रि फुजाया थुंगेबाय ।

**( 1 बिलाड़निफ़्राय )**

*१ ४ नभेम्बराव टिडिएम ब्रह्मपुत्र काल्सारेल एकाडेमिनि ...*

बान्जायनायाव सानसेनि हाबाफारिजों कलाइगाव प्रगतिशील जन' मन्वयाय रंगोंथि जौगाखां आफाद खुंनाय जागोन होना टिडिएम ब्रह्मपुत्रनि काल्सारेल एकाडेमिनि आफादगिरि रुन्जुन डेकाआ फोरमायदों । मख'नो गोनांदि, गथ'सा सानखौ लोब्बा लानानै आसाम बिथानि मोसानाय बादायलायनायबो खुंनाय जागोन होन्ना सुलुडव फोरमायदों । बादायलायनायाव आसामनि माखासे जिल्लानि बादायगिरिफोरा बाहागो लाफेनो गोनॉ बे हाबाफारियाव राइजो-राजाफोरनि हेफाजाब आरो नुजांथि फैनो बान्जाय आफादआ हांखायदों । हाबाफारिनि जौसांखो बेखेवना होगोन हारिमुवारि दारफुंगिरि तरुन आजाद डेकाआ आरो बिटिआरनि मावफुं सोद्रोमा दिगन्त बरुवाआ आलारि बाथि फोजौना होगोन ।

*भुटान-भारत लोगोआरि गौथुमआ माराथन हाबाफारि...*

बान्जायनाय बे माराथन खारनायाव भारतनिफ़्राय गासै सा ५०० बाहागो लागिरि आरो भुटाननिफ़्राय सा २०० बादायारिफोर बाहागो लादों । भुटान-भारत लोगोआरि गौथुमनि गायसन्थाइ सान फालिनायनि लोब्बायै खुंनाय बे माराथन खारनाय हाबाफारियाव गाहाइ आलासि महैरै बाहागो लाफेनानै सन्दुप जंकार सेप्टरनि लेडाइ आफादगिरि दासगुब सनाम रुकपाआ बाहागो लानानै बेखेवनानै होदों । बे हाबाफारियावोनो तामुलपुरनि एमसिएलए, तामुलपुर जिल्लानि जिल्ला बेंगिरि, डिडिडिस, एसपि, एसएसबिनि कामान्हेटफोर, लेन्ड कास्टमनि मावख गिरिफोर, भारतनि जायागारि सरकारि मावख गिरिफोर, ओन्सोल्नि फालोंगिरिफोर आरो जायगानि सुबुंफोरा बाहागो लादोंमोन । मख'नाय जायोदि, बे हाबाफारिखौं ब्रैथि द्रुक ग्यालप' (राजा)नि ६९थि जोनोम साननि लोब्बायै बान्जायनाय जादों । बे हाबाफारियावोनो भुटान आरो भारतनि हारिमुवारि सोलाय-सोल' आरो दिन्थिफुंनयनि मोनसे गोबा गोनॉ थासारिखौं नुनो मोन्नाय जादों । हाबाफारिनि जोबनायाव हारिमुवारि बादायलायनाय, माराथन खारनाय बादायलायनायाव देरदख्ना बादायगिरिफोरनो बान्था होनाय जायो ।

*कक्राझारआव लामानि*

*जाब्रबथायाव साबा खौरांगिरि..*

कक्राझार बिज्ञान फरायसालिमानि बायटेक हाबआ भारत-भुटान सिमनानि झारबारि गोजौ फरायसालियाव मोनसे बिज्ञानआरि हाबाफारि खुंदोंमोन । बे हाबाफारिनि खौरं बुधुमनानै कक्राझार फासँ फैबाय थानाय समावनो बिसमुरि सनापुरआव खौरांगिरिनि गारि (एएस १६ वि ४६१९)आ जाब्रबथाय जायो । गारिया सामब्ललाथाय खोमानानै दार्लॉनि रेलिडव सौप्रावहैनायनि जाउनाव गारिनि सिगांनि बाहागोया गेग्राबजोबो । जाउनाव गारिनि सिगाडव जिगयनाय दैनिक आसामनि कक्राझारनि खौरांगिरि अशक कुमार बर्मनआ गोब्रान्बै जोखोम जायो । जाब्रबथायाव अशक कुमार बर्मननि आखाइ, हाथाय बायनायनि अनगायैबो खर' आरो बिखा बाहागोयाव जोखोम जायो । बेनि अनगायैबो जाब्राबथायाव निउज १८ नि खौरांगिरि सुरख बसुमतारि, प्रतिदिन टाइमनि केमरामेन प्रनब मुसाहारी, नर्थ इस्ट भिसननि खौरांगिरि गेवलांसार नार्जारी आर राइजिं बड'लेण्डनि खौरांगिरि देंथिड बसुमतारिआ जोखोम जायो । जाथाया गोब्रान्बै जोखोम जानाय अशक कुमार बर्मनखौं कक्राझारआव थानाय गावआरि देहा फाहामसालि एमआरएमआव थिसन्नाय जायो । गुबुन फासँथिं, जाथायनि बागै खौरां मोन्नानै कक्राझारनि गासैबो खौरांगिरिफोर एमआरएम देहा फाहामसालियाव नुजाथिहैनानै खौरां लाहैयो । कक्राझार प्रेस क्लबनि आफादगिरि किशर सरकारआ एमआरएम देहा फाहामसालियाव नुजाथिहैनानै जोखोम जानाय खौरांगिरिफोरनि खौरां लाहैयो आरो थाबैनो गोखों देहायाव फैफिन्नयनि थाखय आर'ज गाबो । बे खौरांखौ लिरनाय समसिम खौरांगिरि अशक कुमार बर्मननि देहानि थासारिया गोब्रान्बमोन ।

*मानासआव आसुआ बेसेन*

*बांनायनि हेंथायै सोमावसारदों*

हेंथायै दुलाराइ आसाम फरायसा आफादनि मानास दरखर आफादा गोखों सोमावसारदों । मानासनि नैथि हावग्रा लामायाव आसुनि गोबां मावथिफोरनि नुजाथिनायाव जगायथाय मन्थ्रिनि मुसुखा सावनानै गोखों सोमावसारो । सोमावसारगिरिफोरा आसाम सरकार हाय-हाय, जगायथाय मन्थ्रि हाय-हाय, बेसेन बांनायखौं होबथानांगो बायदि स्ल'गानजों गोखों सोमावसारो । गोनांथार मुवा-बेसादनि बेसेन बांनायखौं थाबैनो होबथायाब्ला गोखोंसिनि सोमावसारनो हुमखि होयो आसुनि मावथिफोरा । सोमावसारनाय हाबाफारियाव बाक्सा जिल्ला आसुनि आफादगिरि जुबिन दासआ बाहागो लानानै गावनि सार्थंआव मुखुबु थानाय जथायथाय मन्थ्रिखौं गावनि बिफानाव नोजोर होनो बोसोन होयो । लोगोसे सरकार मुलाम्फागिरि सोरजिनानै बेसेन बांनायनि गेजेरजों राइज्योनि रंखांथियारि राहाखौं नोरजिया खालामनो नाजानादों होन्नानै जुबिन दासआ गोखों अजद दैखाडो । दिनैनै बे सोमावसारनाय हाबाफारियाव बाहागो लानानै राइज्यो सरकारनि जगायथाय बिफानखौ गोखों रवजों सोंखारियो आसाम सेनानि मावफुं सोद्रोमा प्रान्जल डेका, बाक्सा जिल्ला फरायसा आफादनि लोगो नेहाथारि हिरकन्ज्यति पाठक, नेहाथारि, उदय सत्रुधर, मानास दरखर आफादनि आफादगिरि कंकन तालुकदार आरो नेहाथारि रहलु सत्रुधरआ ।

**घग्नापारनि निमुवा बुढ़गहाँइ मन्दिराव जगद्धात्रि फुजा खुंदों**
**घग्नापार, १२ नभेम्बर:** जाय समाव भारतबर्ष नाडै आरो आसामयाव हिन्दु-मुसलमाननि गेजेरय हारियारि दाखबाजि साल्लोबसादों, धोरोमनि मुडव दावराव-दावसि सोमजिदों, गोदो-गोदायनि खौसेथिआ जानागराव थानो लादों, बेबायदि समावनो आथिखालाव खायसे सुबुंफेग गेगेबलायनार्यनि थासारि सोमजिहोनो लादों । 'शंकर-आजाननि हादत' बिबुंथिखौ बेसेन गोनॉ महैरै थि लाखिनायनि थाखाय आथिखालावबो खायसे सुबुंफेग नाजालांबाय थादों । नलबारिनि घग्नापारयावबो बिदा-फंबाय सानलायनाया सोलिंगासिनो दइ, हिन्दु

मुसलमाननि खौसेथियाबो सोलिंगासिनो दइ। बेनिनो फोरमानखो फिन दिन्थिदों नलबारि जिल्ला घग्नापारनि निमुवा बुढ़गहाँइ मन्दिरनि जगद्धात्रि फुजायाव । फुजायाव ओन्सोलनि माखासे सुबुंफोर भग अन्सुंथाय होनायजों लोगोसे बान्जाय आफादनि माखासे आयदाफोरव थानानै बिबानफोरखौ फलिनाय नुनो मोन्नाय जादों । मख'नो गोनांदि, थानाय ७ नभेम्बरनिफ़्राय ११ नभेम्बरसिम निमुवा बुढ़गहाँइ मन्दिराव जगद्धात्रि फुजाखौ जाफुंसार खुंजायो । थानाय हरव हारिमुवारि मोनाबिलि खुंनानै अगपनि मिरु आफादनि नेहाथारि,

**( 1 बिलाड़निफ़्राय )**

*दिनै मोन ५ बिधान सभा बियाबाव उफ़ा ...*

सा १,८२,३५४, बिहालियाव सा १,३२,३००, सामगुरियाव सा १,८०,४४८ । गासै भटरफोर जादों सा ९,०९,०५७ । बे बायदिनो सार्भिस भटरफोर दं- धलाइआव सा ५२४, चिदलीयाव सा ६३०, सामगुरियाव सा २६७, बडाइगावआव सा १०५४, बिहालियाव सा १४२ । गासै सा २,६१७ । भट सोग्रा मिरुफोरा जादों फारियै- धलाइ बियाबाव गं २०८, चिदलीयाव गं २७३, बडाइगावआव गं २४६, बिहालीयाव गं १५४, सामगुरियाव गं १९७ गासै गं १०७८ भट सोग्रा मिरु दं । बेंगुरु भटरफोर फारिया- धलाइआव सा ११२५, चिदलीयाव सा १७७०, बडाइगावआव सा ४७४, बिहालीयाव सा १४९, सामगुरियाव सा ६७९, गासै सा ४१९७ । बेसो गोर नोगोरारि (८५ बोसोरनि गोर्जोनि) फारियै- धलाइआव सा ६८३, चिदलीयाव सा १०२५, बडाइगावआव ४७४, बिहालियाव सा ४८८, सामगुरियाव १११८, गासै सा ३७८८ । उफ़ा बिसायख'थि खुंनो गोनॉ गासै गं ५ जिल्ला नगाव, बडाइगाव, बिस्वनाथ, चिरां, काचारआव दासान्दि बिसायख'थिनि थाक-थियारि खालामनाय आबुं जाबाय आरो बिसायख'थि बिबानगिरि-मावफारियाफोरा पुलिं स्टेसनसिम राउना होलांबाय ।

*सिंगापुरनिफ़्राय डा: ग्वेनदलाइन लाइआ ...*

मावथांखिनि आवथायाव गुवाहाटी कमफ्रेहेन्सिप क्लेट् केयार सेन्टार (जसि ४)जों लोगो नानानै गथ'फोरनि थाखाय बेसेन नाडै गुस्थि सार्जोरि खालामनाय हाबाफारियाव खामानि मावगासिनो दइ। डा: येबआ सिंगापुर् एस'सिएसन अफ'प्लारिटिक सार्जन (एसएफिएस)नि बो आफादगिरि आरो स्माइल एसियानि मासिगारि । जसि ४ आ ओन्सोलाव रोजा-रोजा गथ'फोरि आरो नख'रफोरनि थाखाय बिसोरनि मिनिस्लुनाय आरो इयुनखौं गोजों खालामनायाव गोख्रोंडै खामानि मावनायनि गेजेरजों जाफुंसार फिथाइ मोनो हादों । मिसन स्माइल बिथांथिखौ आथिखालनि गिबि मन्थि ७ हिमन्त बिश्व शर्माआ बै समाव गाव आसामनि देहा मन्थि जानाय समाव जागायदोंमोन । बे बिथांखिनि गेजेरजोंनो सिंगापुर्नि डा: ग्वेनदलाइन लाइ आरो डा: भेनसेन्ट येबआ आसामआव दासिम २५,००० सार्जोरि खालामखांबाय । बिथामोनहा आसामनि सुबुंफोरनि थाखाय जोबोद बाख्नायथावै खामानि मावदों । आसामनि थागिबि सुबुंफोरनि थाखाय बेबायदि गावसोरखौ बाउसोमनानै खामानि मावनायनि थाखाय आसाम आइन आफादनि बुंथिगिरि बिस्वजित दैमारिआ आसामनि राइजो-राजाफोरनि जानानै डा: ग्वेनदलाइन लाइ आरो बिथानि फिसाइ डा: भेनसेन्ट येब मोननिंसिम साबायखर जासिदों । इयुन समावबो बेबायदिनो सुबुंफोरनि थाखाय खामानि मावलांगोनखौ आइन आफादनि बुंथिगिरिआ मिजिंथिनाय फोरमायदों ।

*आसामनि राइज्यो बेंगिरिआ आसाम राइज्यो...*

हाबाफारियाव आसाम राइज्यो बेंगिरिनि प्रतिभा प्रत्साहन यजनानि सिडव सायख'जानाय बिजाथिफोरजों सावरायलायो । मख'नो गोनांदि, बे हाबाफारिनि सिडव मोननो हाथावना लाइमोनफोरनो राडारि हेफाजाब आरो गोजौ थाखोनि फोरोंथाय होनो थाखाय हाबाफारि लानाय जादों, जायनि गेजेरजों बिसोरखौ इउपिएससि, सुबुं सिबिथाय आन्जादाव साबसिन जानो हानाय गोहो होनाय जादों । राइज्यो बेंगिरि आचार्यआ लाइमोन रंग'थिफोरखौ जेथोन लानाय आरो बिसोरखौ बाउसोमनानि थांखिनि फासै गोसो होनानै खामानि मावनो थुलुंगा होनायनि गोनांथिखों रायखॉफिनो । स्वामि बिबेकानदखौं मख'नानै राइज्यो बेंगिरिया लाइमोनफोरखौ गावसोरनि साबसिनखौ नागिरनायाव गोख्रोंडै थानो खावलायो आरो जेब्लासिम गावसोरनि थांखिफोराव सौहैया, अब्लासिम थाथ'नो नाड होन्ना खावलायो । बिथाख बिसोरखौ नांथाबहोनो आरो नाजाथाबनाय आरो बाउसोमनायजों खामानि मावनो आरो गावसोरनि आरो समाजखौं मुंदांछा खालामनो खावलायो । मख'नो गोनांदि, असम रज्यो बेंगिरिनि प्रतिभा प्रत्साहन यजनानि सिक्नि आन्जादआ थॉनाय २० अक्टबरखालि आसामनि गासै मोनब्रै मिरुफोरव खुंजादोंमोन । बे हाबाफारिनि सिडव सायख'जानाय बिनायसाफोरा गुवारै कचिं, बोसोन होनाय आरो हेफाजाब मोनो हागोन । बे हाबाफारियाव राडारि हेफाजाबजों लोगोसे स्कुलारसिप, कचिंनि फिस आरो थानाय-जानायनि शहाफेरखौबो खालामनाय जादों । सायख'जानाय बिनायसाफोरनो गोजौं गुन गोनां फेरोंगिरिफोरजों पार्टनर एजेन्सिफोर, पावन चिन्तन धारा आश्रम आरो आर्य प्रतिभा बिकास संस्थानजों गुवार फोरोंथाय होनाय जागोन । बिनायसाफोरखौ जेंनाफोरखौ बारग'नो आरो जाफुंसार जानायाव मदद होनो थाखाय रंग'सार लामा दिन्थिनय आओ बोसोन होनाय जागोन । राइज्यो बेंगिरिनि कमिसनार आरो सेक्रेटारि एसएस मिनाक्षी सुन्दरम, दिल्ली आर्य प्रतिनिधि सभानि गहाय नेहाथारि बिनय आर्य, चेन्सेटरनि सेक्रेटारियेटनि अएसडि कबिता डेका, मावथांथि (डिएपिएस) आर्य प्रतिभा बिकास संस्थाननि मावफुं बिथोनगिरि अनु वासुदेवा, प्रजेक्ट इउपिएससि पवन चिन्तन धारा आश्रमनि क-अडिनेटर सुरभि शर्माजों लोगोसे गोबां गुबुन गेदेमा सुबुंफोरा बे हाबाफारियाव बाहागो लायो ।

*बाक्सानि निमुवायाव मेट्रिकनि मिरु गायसन्नो..*

फरायसालियाव बिएसिनि बारग' सरासनस्त्रा सोद्रोमा आरो जर'खा समाज सिबियारि बसन्त स्वर्गियारिनि आफादगिरि मासि सामलायनायनाय मेट्रिकनि आन्जाद मिरुनि थाखाय दाबि देखानानै मोनसे राइज्योआरि मेल खुंनायाव सेबानि हेंथायै दुख मोन्नाय फोरमायनायजों लोगोसे आलादायै खुंनाय मोनसे खौरांगिरि मेलयावबो सेबाखौं सोंखारिदों । मेलयाव निमुवा ओन्सोलनि जर'खा लाइमोन समाज सिबियारि आरो दुलाराय कच रजबंसि फरायसा आफादनि मिरु नेहाथारि कपिल देब सिंआ गावनि बिबुंथियाव बुंदोंदि, बाक्सा जिल्लानि सिडव थानाय गं ६ गोजौं फरायसालि फारियै निमुवानि बापुजौ गोजौं फरायसालि, बासबारि गोजौं फरायसालि, कुस्त्राबारि बर' गोजौं फरायसालि, बुनमाजान जनप्रिय गोजौं फरायसालि, भकुमारिनि बि. टि. बि. एन. गोजौं फरायसालि, ए. एस. बि. गोजौं फरायसालिफोर बरपेट जिल्लानि सिडव थानाय गर्बधना मेट्रिक आन्जाद मिरुयाव जुथाय जानानै दइ। बे गं ६ गोजौं फरायसालिआ बाक्सा जिल्लानि सिडव थानायनि थाखाय आन्जाद सामलायनाय आरो फरायसाफोरनि खाबुनि थाखाय निमुवानि बापुजौ गोजौं फरायसालिआ गं ६ फरायसालिखौ जुथाय खालामनानै मोनसे गोदानै गोजौं फरायसालि मेट्रिक आन्जाद मिरु गायसन्नो थाखाय आसाम गेजेरारि सोलोंथाय बर्ड एबा सेबा बिफाननिंसिम राइज्योआरि दिव खालामनाय जादों । कपिल देब सिंआ बुंदोंदि, बे गं ६ गोजौं फरायसालिखौ जुथाय खालामनानै निमुवानि बापुजौ गोजौं फरायसालियाव गोजौं फरायसालि मेट्रिक आन्जाद सिस्नि गोनांथि दइ होन्ना मख'नानै जा



# गाहाम देहानि राहा

## था गुनाआ गोजां बोथोराव देहानि थाखाय मुलाम्फा गोनां

गोजां बोथोराव आ माखासे जामुंफोर जॉनि देहाखी गुदुडे लाखियो। थावनायाव गोदे आरो आलुबादि मोनजानाय था गुनाआ गोबां सुफुंसार थादेरसा दड। जायनि जाउनाव बेयो देहानि थाखाय मुलाम्फा गोनां। था गुनाआव फाइबर, भिटाभिन-ए, सि आरो बि 6 मोन्नायनि अनगायै बो पटासियाम आरो मेंगानीज बायदि मिनारेलखौ मोन्नाय जायो। जेराव बे जामुंखौ गुबुन गुबुन रोखोमै बानायनानै जानो हायो। था गुनाखौ जायोब्ला गाहायाव होनाय मुलाम्फाफोरखौ मोनो हायो। (1) बिगुरनि थाखाय मुलाम्फा गोनां:- था गुनाआव एन्टि-अक्सिडेन्टि बिबांखौ गोबां मोन्नाय जायो। जायनि जाउनाव बेयो जॉनि बिगुरखौ फ्री रेडिकेल्स एवा सान्दुं खामनायनिफ्राय रेखाथि होयो। बेनि अनगायै माखासे गोआम बेरामफोरखौबो बेयो मोजां खालामो।



(2) मेगननि थाखाय मुलाम्फा गोनां:- था गुनायाव भिटाभिन-एखौ गोबां मोन्नाय जायो। जायनि थाखाय बेयो मेगननि थाखाय मुलाम्फा मोन्नाय जायो। बेयाव भिटा केरटिनखौ मोन्नाय जायो। जाउनाव बेयो जॉनि स्टेजखौ बाडइ खालामो। बेनि अनगायै था गुनाआ जॉनि डइजेसन सिस्टेम आरो ब्लाड प्रेसारखौबो कन्ट्रलआव लाखियो। (3) डायबेटिचनि थाखाय मुलाम्फा गोनां:- थावनायाव गोदे मोनोब्लाबो था गुनायाव फाइबर कन्टेन्टआ गोबां जानायनि जाउनाव आरो ल'ग्लाइसेमिक इन्डेक्स जानायनि

जाउनाव बेखौ डायबेटिच बेरामिफोराबो जानो हायो। बेखौ जायोब्ला ब्लाड प्रेसारआ जानगारब्लाबो बेनिफ्राय जौ गोहो मोनो। (4) लिथथायनि थाखाय मुलाम्फा गोनां:- लिथथायखौ समास्थायव लाखिनायाव था गुनाआ मुलाम्फा गोनां। लिथथाय खमायनोब्ला बिखौ डइटआव सोफानाया गोनांथिथार। मानोना बेखौ जायोब्ला इम्युनिटीआ गोखौ जायो। जेराव बेयाव मोन्नाय भिटाभिन-सि आरो इआ जॉनि बिगुरखौ हेन्दि लाखिनायनि अनगायै डइजेसन सिस्टेमखौबो साबसिन खालामो।

# आफताब शिभदाशानि अक्षय कुमारजों लोगोसे जयै खामानि मावनानै गावनि हमदांनायखौ फोरमायदों

आफताब शिभदाशानिया 9 बोसोर बैसोयावनो मिस्टर इन्डिया सावथुननिफ्राय चाइल्ड आरटिस्ट हिसाबै खामानि मावनो जागायदोंमोन। आधिखालाव बिथांआ गावनि फैनो गोनां सावथुन 'वेलकाम टु दा जंगल' खौ लानानै खौरंआव थादों। बेनि सिगांबो बिथाड गावनि केरियाराव माखासे मुंदांखा कमेडि सावथुनफोरावबो खामानि मावखांबाय। फावखुंगुरआ मोनसे इन्टरभिडआव अक्षय कुमारजों लोगोसे गावनि खामानि मावनानै हमदांनायखौ फोरमायदों। अक्षय कुमारजों कमेडि सावथुनाव खामानि मावनायखौ लानानै आफताबआ बुडेदि, कमेडि फाव दिन्थिनाया मोनसे मुजिथावना जनार जायो, जर 'खायै गुबुन फावगिरिफोरजों मोजाडे गोरोबलायोब्ला खामानि मावनयाबो मुजिथावना जायो। अदेबानि, बे बायदि सावथुनफोराव खामानि मावनया एसेबां गोरलै जाया। फावखुंगुर आफताब शिभदाशानिआ गावनि फैनो गोनां सावथुन वेलकाम टु दा



जंगलनि सोमोन्दै बाथा सावरायनानै मिबथि होयोदि, अक्षय कुमारजों लोगोसे खामानि मावोब्ला जेब्लाबो गोजोन मोन्नायखौ एवा गोजोन्नायखौ हमदाडे। जों माखासे सावथुनफोराव जयै

खामानि मावदों आरो बे खेबनि हमदांथिनायाबो मुजिथावना जाना नुजाथिदों। फावखुंगुरआ गावनि गासिबो बाथाफोरखौ सावरायनानि उनाव आरोबाव बुंबावोदि, 'सावथुनाव खमैबो सा 25-30 फावगिरिफोर दड

आरो अहमद खानआ बेवहाय सासे डाइरेक्टरनि फावखौ मोजाडेनो दिन्थिदों। अक्षय कुमार स्टारनि सावथुन 'वेलकाम टु दा जंगलआ फैगोन बोसोराव रिलिज जागोन। बेवहाय शिभदाशानि आरो

अक्षय कुमारजों लोगोसे जेकलिन फर्नान्डिज, दिशा पाटनि, तुषार कापुर, जनि लिभार आरो माखासे गुबुन स्टार्सफोरखौबो एक्टिनि जादु दिन्थिनायखौ नुनो मोनगोन। शिभदाशानिआ गिदिर कास्टजों लोगोसे खामानि मावनयायनि सोमोन्दै मिबथि होयोदि, नायगिरिफोरनि थाखाय गिदिर स्टार कास्टजों लोगोसे जयै नुनाया जोबोद मुजिथावना जागोन। आफताब शिभदाशानिआ डाइरेक्टर अहमद खानजों लोगोसे मिस्टर इन्डियाआवबो खामानि मावदोंमोन। मिस्टर इन्डियानि उनाव जों फावखुंगुर आरो करिय' ग्राफर हिसाबै जयै खामानि मावदों।

## शाहरुख खानखौ हुमरिह हरया दायनिगिरिखौ ग्रेप्टार खालामबाय

आधिखालाव बलिउड मुलुगनि खौरंफोरनि अनगायै सावथुननि फावखुंगुरफोरनि हुमरिह मोनाया खौरंआव थादों। बे समाव गोदान मुं हिसाबै शाहरुख खाननि मुंआबो सरजाव जादोंमोन। शाहरुख खानखौ छतीसगढ़नि सासे सुबुनि हुमरिह




हरया जाथाया 7 नभेम्बरखालि सोरंआव फैदोंमोन। अदेबानि दा बे दायनिगिरिखौ मुम्बाइ पुलिसआ छतीसगढ़निफ्राय ग्रेप्टार खालामबाय आओर बिथांखौ लांथिथै सॉलु' सोंगासिनो दड। बबेखानि बे के सनि बिथिडाव मुम्बाइ पुलिसनिफ्राय फिनजाथाइआ सोरंआव फैदों आरो सॉलु सोंनायाव शाहरुख खानखौ हुमरिह हरया दायनिगिरिया मा मा मिबथिहोया बेनि खौरंखौबो होदों। 5 नभेम्बरखालि मुम्बाइनि बान्द्रा पुलिस स्टेशनआव मोनसे फन कल फैदोंमोन, जेराव बलिउडनि सुपार स्टार शाहरुख खानखौ बुथारनो हुमरिह होनाय जादोंमोन। बेनि अनगायै 50 लाख रंभो दाबिदोंमोन। बे फन कलनि दसे उनावनो मुम्बाइ पुलिसआ एक्सन मडआव फैदों आओर दायनिगिरिखौ नायबिजिरनायाव नांथाबदों। नायबिजिरनायनि उनाव मिबथिनो मोनोदि, बे फनआ छतीसगढ़ रायपुरनिफ्राय सासे फैजान मुनि सुबुआ हरदोंमोन,

बिथाड मिबथिया जे सोर बे बायदि हुमरिह हरदों। अदेबानि, बे जाथाया बेसेबां सेंथो बेनि सोमोन्दै मोजाडे न। य बि बि ज र बा। सो मिबथिसिगोन। मुम्बाइ पुलिसआ धारा 308 (4) आरो 341 (3) (4) नि गेजेरजों

बे दायनिगिरिनि बेरेखायै केस थिसनबाय। मिबथि होनाय जायोदि, फैजानखौ सासे उकिल होन्नानै मिबथि होदों। बेनि अनगायैबो शाहरुख खान सावथुनफोरखौ लानानै अन्सायगिरिफोरनि गेजेराव जेब्लाबो क्रेजि जानायखौ नुनो मोनो। मख'नो गोनांदि, बिथांआ गावनि फिसाजो सुहानाजों लोगोसे 'किं' सावथुनाव नुजाथिनो हागौ। बेनि सिगां थानाय बोसोराव शाहरुख खानआ पटान आओ जवान बायदि मोन्ने मेगा ब्लकबास्टर सावथुनफोरखौ होदोंमोन।

## 'सिंधाम एजेन' सावथुननि 11 थि साननि कालेक्शनआ दावख्नायदों

डायरेक्टर रहित शेटीनि मेगा बाजेट सावथुन सिंधाम एगेनखौ दिवालीनि फोर्बोआव सिनेमा हलफोराव रिलिज खालामदोंमोन। अपेनि उडकेन्डआव 100 कौटिरं आओ नैथि उडकेन्डसिमाव 200 कौटिरं बक्स अफिस कालेक्शन खालामनानै अजय देवगाननि बे सावथुना गावसिनि गोहोखौ दिन्थियो, नाथाय नैथि रबिबानि उनाव सल'आ आलादा जायो। रिलिजनि 11 थि सानाव सिंधाम एगेननि सावथुननि कालेक्शनआव जोबोद दावख्नायनायखौ नुनो मोनो। जाय बाथाया अन्साइगिरिफोरखौ गिखां होदोंमोन, अब्ला गमामायैनो बे बाथाया मोगथां महर लादों। मख'नो गोनांदि, नैथि उडकेन्डनि उनाव समबास्खालि सिंधाम एगेननि बक्स अफिस कालेक्शनआव सोलाय-सोल' जानायखौ नुनो मोनो हागौ। सुलुनि बायदिब्ला नैथि समबास्व अजय देवगान



आरो करिना कापुरनि बे एक्सन थ्रिलर सावथुना खमैबो 4.25 कौटिरं रनि बिजनेस खालामदों, जाय थानाय सानफोरजों तुलना खालामोब्ला जोबोद खम जायो। बे बायदिनो दा सिंधाम एजेननि खामायनायनि बिथिआव सिंगल डिजिटआव फैनानै थाबथादों। मोनसे गिदिर बाजेटनि सावथुन जानायनि जाहोनाव कालेक्शननि बे लेटेस्ट रिपटआ मेकासफोरनि थाखाय जिंगा सिनो गोनां जानो हागौ। माल्टिस्टारनि बे सावथुननि रं आरजिनाया बे बायदि दावख्नायगोन होन्नानै रावबो सानाखैमोन। रिलिज जानायनि

11 थि साननि आरजिथाइखौ जथायोब्ला अजय देवगाननि सिंधाम एगेननि कालेक्शनआ 230 कौटिरं रं जाबाय। रहित शेटीआ फिन खुनसेबाव रोखा खालामोदि, बिथांआ माल्टिस्टारनि सावथुन बानायनायाव जोबोद एक्सपार्ट। गलमाल प्रेन्वाइजिनि अनगायै सिंधाम एगेनआवबो बिथांआ बेबायदिनो खालामदों। बे सावथुनाव अजय देवगान आओ करिना कापुरनि अनगायै अक्षय कुमार, अर्जुन कापुर, जेकि श्रफ, रणबिर सिंह, सलमान खान श्वेता तिवारी, दिपिका पाडुक्कण आओ दयानन्द शेटी बायदि फावगिरिफोरखौबो नुनो मोन्दों।

## शक्तिमाननि गिबि एपिसडखौ भिष्म इन्टारनेसनेल इडटुब चनेलआव रिलिज खालामबाय

टिभि चनेल दुरदर्शननि बयनिखुडबो मुंदांखा टिभि स्व'आव शक्तिमाननि मुंआ जेब्लाबो थाफायोमोन। मुकेस खाना स्टारनि बे सुपारहिट धाराबाहि 90थि जौथायनिफ्राय लानानै माखासे बोसोरसिम नायगिरिफोरखौ जोबोद एन्टारने खालामदोंमोन। बावैसो सिगां मुकेशआ शक्तिमाननि फै फिन्नायखौ लानानै फोसावदोंमोन आओ अन्साइगिरिफोरा बे खौरंखौ खोनानानै जोबोद खुसि जादोंमोन। नाथाय आधिखालाव मोनसे टुइस्ट फैदों, जाय नायगिरि बिथांमोननि गोसोखौ सिमफायनो हागौ। फेटेन्स आओ सुपारहिट एक्सन स्व'नि हिसाबै शक्तिमानआ सिनायथि मोन्दोंमोन, नाथाय गोदान मुगानि शक्तिमानआव सिगांनिफ्राय जोबोद आलादा। मुकेश खानाआ साननै सिगां एनाउन्समेन्ट खालामदोंमोनदि,



शक्तिमानआ थाबैनो फैफिनगसिनो दड। बेनि उनाव साप्रोमबो सान्दोंमोन जानांगोदि, आधिखालाव सुपारहिटनि महगव एक्सन आओ गोदान रमान्च खालामनायखौ नुनो मोनगोन। नाथाय सेंथो बाथाया आलादासो जायो। अदेबानि गोदान शक्तिमाननि गिबि एपिसडखौ मुकेश खानानिफ्राय भिष्म इन्टारनेसनेल इडटुब चनेलआव 11 नभेम्बरखालि रिलिज

खालामनाय जाबाय। बेजों बेयो रोखा जायोदि, बे शक्तिमानआ मबे टीमनि सायाव बानायनाय। बे खेबनि शक्तिमानआव मुकेश खानाखौ गथ'फोरजों लोगोसे हादतनि बिर बिग्रायगिरिफोरनि सोमोन्दै सिगां सॉलु खालामनायखौ नुनो मोनगोन। जेरै बिथांआ सिगांनि एपिसडआव खालामदोंमोन। बे बिथिआव सावगारिया क्लियार जायो जे बे खेबआव

शक्तिमानआव रावबो भिलेन एवा तमराज किलभिस्खौ नुनाय नड आओ गंगाधरखौबो नुनाय नड। मिबथि होनाय जायोदि, 1997 माइथायनिफ्राय लानानै 2005 माइथायसिम शक्तिमानखौ दुरदर्शननि टिभि चनेलआव टेलिकास्ट खालामनाय जादोंमोन आओ बेखौ दा मोनसे कल्ट सुपारहिट स्व' हिसाबै मिबथिनाय जायो।

## फावखुंगुरि अभनित कौरआ 'मिसन इम्पसिबल-8' नि सेटआव टम क्रुजखौ लोगो मोन्दों

लिउडनि मुंदांखा फावगिरिफोरनि सोमोन्दै बाथा सावरायोब्ला बेव 62 बोसोर बैसोनि फावखुंगुर टम क्रुजनि मुंआबो थारैनो थाफायो। आधिखालाव गावनि मस्ट पपुलार एक्सन थ्रिलर फेन्वाइजि मिसन इम्पसिबलनि 8थि खोन्दोखौ लानानै टमआ खौरंआव थादों। बेनि अनगायै इन्डियानि फेमास सशेल मिडिया इनफ्लुइन्सर आओ फावखुंगुरि अभनित कौरनि जाहोनावबो टम क्रुजनि मुंआ सावरायनायाव थादों। बावैसो सिगां मिसन इम्पसिबल 8नि सेटआव अभनितआ बे हलिउड सुपारस्टारजों लोगो हमदों आओ लेटेस्ट सावगारिफोरखौ सशेल मिडियाआव शोयार खालामदों। लोगोसेनो बलिउडनि फावखुंगुरि आ गावनि हमदांथिनायखौबो फोरमायदों।



टम क्रुजजों लोगो हमनायनि जाहोनाव अभनितआ बे समाव लाइमलाइटआव थादों। बे जर'खा लोगो हमनायनि सावगारिफोरखौ 23 बोसोर बैसोनि फावखुंगुरिआ गावनि अफिसिएल इनस्टाग्राम हेन्डेलआव शोयार खालामदों। बे सावगारिफोराव अभनितखौ टम क्रुजजों लोगोसे मिसन इम्पसिबलनि सेटआव नुनो मोन्दों। बिस्तर सपैनि बे लेटेस्ट सावगारिफोरा आधिखालाव

अन्साइगिरिफोरनि गेजेराव सावराय जानायनि जाहोन जादों। बे सावगारिफोरनि केप्सनआव अभनितआ लिरोदि, आं दाबो गावखौनो पिन्च खालामगसिनो दड, मानोना आं फोथायनो हायाखैदि, जे आं टम क्रुजजों लोगो मोनदों, बिथांआबो मिसन इम्पसिबल सेटआव दड। थारैनो बेयो गोसोआव थाथाव सम आओ गावनि मेगनावनो टम क्रुजखौ स्टान्ट खालामनाय नुनाय आओ बिथांनि रंगथि गोनां

एक्टिआ थारैनो बाखायजाथाव। बेयो जोबोद मोजां हमदांथिनाय। बेबायदिनो अभनित कौरआ टमजों गावनि गिबि लोगो मोनलायनायनि हमदांथिनायखौ सशेल मिडियाआव शोयार

## भुल भुलैया-3 सावथुनआ नैथि उडकेन्डआव मोजां रं आरजिनानै जारिमिन सोरजिदों

बक्स अफिसआव आधिखालाव हरर कमेडि सावथुन 'भुल भुलैया-3'आ दोहो सोमजिहोगसिनो दड। दिवालीनि फोरबोआव गिदिर पर्दाआव रिलिज जानाय बे सावथुनआ नैथि उडकेन्डनि उनावबो रं आरजिनाय बिथिआव जेन्नो गनायाखै आओ नैथि समबार टेस्टआव सोमोनांथाव बिजनेस खालामनानै दिन्थिदों। जायखौ भुल भुलैया 3 नि रिलिजनि 11थि साननि लेटेस्ट बक्स

खालामदों। बबेखानि, बिस्तर सपैनि बेसावगारिफोर इन्टारनेसआव अर बायदि भाइरल जागासिनो दड आओ अन्साइगिरिफोर बेनि सायाव गोबां लाइक आओ कमेन्टबो खालाम गसिनो दड।



अफिस कालेक्सन रिपटनि गेजेरजों गोरलैयैनो हमदांनो हायो। नैथि उडकेन्डआव बक्स अफिसआव 200 कौटिरं रनि अन्जमा बारहोनानै भुल भुलैया 3 सावथुनआ जारिमिन

सोरजिदों। बेजों लोगोसे कार्तिक आर्यानि के रियाआव बे बायदिया गिबि खेब जादों। अदेबानि नैथि उडकेन्डनि उनाव डायरेक्टर अनिस बास्मिनि सावथुननि रं आरजिनायनि

हागौ। सेकेन्ड उडकेन्डआ मोजाडे थांखानायनि उनावबो भुल भुलैया 3 नि गासै रं आरजिनाया बांगासिनो दड। कार्तिक आर्यानि 3 नि गासै रं आरजिनाया बांगासिनो दड। कार्तिक आर्यानि, भिष्मा बालन, तृपति डिमरी आओ माधुरि दिक्षित स्टारनि बे हरर कमेडि सावथुनआ दासिमाव रिलिजनि 11 सानाव 221 कौटिरं रनि बिजनेस खालामबाय। आसा खालामनाय जायोदि, थामथि उडकेन्डसिमाव बे सावथुनआ 300 कौटिरं रिसिम सौहेगोन।



## ग्रीन भेलीआ डिभिजन फुटबल लीगआव इयं एमाचुरखौ फेजेन्दों

गुवाहाटी, 12 नभेम्बर: ग्रीन भेलीन हान्जाया गुवाहाटी नोगोरमनि नेहरु स्टेडियमआव बादायनाय जिएसए ए डिभिजन फुटबल लीगआव इयं एमाचुरनि हान्जाखौ दबथायनानै देरहानाय थिसन्दों। बे लीगआव भेलीनि हान्जाया जागायजेनायनिफ्रायनो मोजाडै दिन्थिफुंदों। जाउनाव एमाचुरनि हेँथायै 3 पइन्ट आर्जिनानै गावसोरनि आवगायनायखौ मोजाडै लाखिदों। जेराव बे मेचआव देरहानाय हान्जानि जानानै 10 थि मिनिटआव दिपांकर दासआ गल सोदों। गुबुन फासँ बे समनि उनाव एमाचुरनि हान्जाया समान स्करिनि गल सोफिनो नाजादौब्लाबो भेलीनि गोखों



डिफेन्सनि जाउनाव फेलें जादों। मख'नो गोनादि, मोननैबो हान्जाया बे दुर्नामेन्टआव मोजाडै दिन्थिफुं नायजों जागायदों। जाउनाव देरहानाय हान्जायाबो गिबि गल सोनायनि उनाव स्करिखौ नैफान खालामनो नाजानाया फेलें जादों। बे मेचआव देरहानायजों ग्रीन भेलीनि हान्जाया 9 पइन्टजों

पइन्टनि फारिआव थामथि थावनिआव सौहेदों। गुबुन फासँ एमाचुरनि हान्जाया खेब 6 मेचआव गासै 6 पइन्टल' आर्जिनानै मोन 8 हान्जानि बे दुर्नामेन्टआव 7 थि मासिआव जायगा मोनानै दड। बे खेबआव डाइनाम' क्लबआव गुवाहाटी सिटि एफसिजों सेलेन्जआव ओंखारगोन।

## गुवाहाटीआ मोननै हारिमायारि टेनिस टुर्नामेन्ट बान्जायनो साखा-फारा जादों



गुवाहाटी, 12 नभेम्बर: अल आसाम टेनिस एस'सिएसनआ गुवाहाटीआव मोननै हारिमायारि टेनिस फेडरेसन वर्ल्डरेकिंटेनिस टुर्नामेन्टखौ बान्जायनो जान्जि खाफ्रादों। जेराव बे टुर्नामेन्टआव सहरनि सासल ओन्सोलआव

थानाय एएटिएनि कमप्लेक्सआव खुंजागोन। गिबि टुर्नामेन्ट महेर आइटिएफ मास्टर्स 200 आ थानाय 11 नभेम्बरनिफ्राय 15 नभेम्बरनि गेजेराव खुंफुंजागोन। जेराव बे टुर्नामेन्टआव जोबनायनि उनावनो

आन्डर 18 नि हौवासा आरो हिन्जावसाफोरनि थाखाय आइटिए जुनियर्स (जे 60) आ फेगौ 18-23 नभेम्बरनि गेजेराव खुंफुंजागोन। आइटिएफ जुनियर्सनि क्वालिफाई राउन्डआ फेगौ 16 आरो 17 नभेम्बरआव खुंजागोन, जेराव चीन, आमेरिका, श्रीलंका, आर्मेनिया, जापान, हंके, हांगेरी, सिंगापुर आरो सुइजालेन्डनि गेलेगिरिफोरा गावसोरनि सेलेन्जखौ होफेगोन। बेनि अनगायै आइटिएफ जुनियर्सनि जे 60 आव थाइलेन्ड, करिया, लाग्जमबार्ग, नेडरलेन्ड, अस्ट्रेलिया, काजाकिस्तान, इन्डोनेसिया, किरिबाटि, कानाडा नि सेलेन्जफोराबो बाहागो लाफेगोन।

## नर्थ-इस्ट इन्डोनेसिया एफसिआ गल्ड काप टुर्नामेन्टआव बाहागो लादों

गुवाहाटी, 12 नभेम्बर: नर्थ-इस्ट इन्डोनेसिया एफसिनि हान्जाया सोलिफु समाव गुबुन गुबुन इन्डोनेसिया समन्थायारि थाखोआवनो दिन्थिफुंगासिनो दड। बेबादिनो नर्थ-इस्टनि हान्जाआ 40 थि अल इन्डिया गभर्णरनि गल्ड काप इन्डोनेसिया फुटबल टुर्नामेन्ट 2024 आवबो बाहागो लानो जान्जि खाफ्रादों। जेराव बे टुर्नामेन्टआव सिक्किम फुटबल एस'सिएसनजों बान्जायजागोन।



गेंकनि पाल्जर स्टेडियमआव खुंजानो गोनां बे टुर्नामेन्टआव इन्डोनेसिया एफसिनि हान्जाया

देरहानायजों जागायनो नाजागोन। जेराव नर्थ-इस्टनि हान्जाया गिबियै बे टुर्नामेन्टआव

फेगौ 14 नभेम्बरखालि मिजरामनि काउजल भेंटार एफसिनि हेँथायै सेलेन्जआव ओंखारगोन। बे मेचआव नर्थ-इस्टनि हान्जाया काउजलनि हेँथायै गिबियै देरहानानै गावसोरनि जागायजेनायखौ मेहेरगोनाडै जुरिनो नाजागोन। बे टुर्नामेन्टआव आबुडै पाल्जर स्टेडियम गेंटकआवनो नकआउट फर्मेटआव खुंजागोन। जेराव टुर्नामेन्टनि फाइनालआ

फेगौ 24 नभेम्बरसिमआव थि जाहेंगोन। सिल्लरआव इन्डेफेन्स काप, मिजराम, क्लाइमेट काप, लाडाख आरो एनएम गुप्ता टुर्नामेन्ट उनाव लाइमोन हाइलेन्डर्स थामनिबा नर्थ-इस्ट इन्डोनेसिया एफसिनि थाखाय बे टुर्नामेन्टआव ब्रैथि बादायलायनो गोनां टुर्नामेन्ट जाहेंगोन। जेराव बेनि थाखाय लाइमोन गेलेगिरिफोरा आबुडैनो थियारि जादों।

## आइटिएफ मास्टर्स एमटि 200 टेनिस टुर्नामेन्टआव गुवाहाटीआव जागायजेनबाय



गुवाहाटी, 12 नभेम्बर: इन्डोनेसिया टेनिस फेडरेसननि मुलुगनां रेकिं इन्डोनेसिया मास्टर्स एमटि 200 टेनिस टुर्नामेन्टआव गुवाहाटी नोगोरमनि अल आसाम टेनिस एस'सिएसननि नब्लाडव जागायबाय। बे टुर्नामेन्टआव दुलाराय आसाम टेनिस एस'सिएसनजों लोगोसे दुलाराय भारतयारि टेनिस एस'सिएसननि बान्जायनायाव खुंफुंजादों। जेराव हारि, जावजा आरो गलाय-गथाय जावजानि बादायलायनायाव हौवाफोर आरो आइजो गेलेगिरिफोरा गावसोरनि रोंगथिखौ दिन्थिफुंनो खाबु मोनगोन। बे मोननै केटेगिआव फारियै 35, 45, 55 आरो 65 बोसोर बैसो एबा बेनि बांसिनि थाखोनि गेलेगिरिफोरा गावसोरनि सेलेन्जखौ लाखिनायनि खाबु मोनगोन। बे मीटआव भारतनि गुबुन गुबुन ओन्सोलनिफ्राय गासै सा 105 गेलेगिरिफोरा बाहागो लाफेदों। जेराव बे टुर्नामेन्टखौ दुलाराय आसाम टेनिस एस'सिएसननि नेहाथारि अंकुष दतआ डिरेक्टर महेर बिबानआव थिसनजादों। बिथानि दिथायवनो बे टुर्नामेन्टआव एस'सिएसननि कमप्लेक्सआव सोलिगासिनो दड। जेराव गावसोरनि केटेगियारि थाखोआव बादायारिफोरा सेलेन्ज होज्जलायनो खाबु मोन्दों।

## भारतीय क्रिकेट हान्जायाव महम्मद शामीआ बाहागो जाफिनसिगोन



गोदान दिल्ली, 12 नभेम्बर: भारतनि क्रिकेट हान्जाया फेगौ 22 नभेम्बरनिफ्राय अस्ट्रेलियानि हेँथायै बर्दार गाभास्कार टुफी गेलेगोन। बे टेस्ट सिरिजनि थाखाय बिर्सिसिआइआ सिगाडावनो हान्जानि फारिलाइखौ फोसावदों। फीटआव थानो हायैनि जाउनाव महम्मद शामीआ बे फारिआव जायगा मोनाखैमोन। नाथाय बेबादि थासारियावनो रनिज टुफीआव बिथानि बाहागो जागोनआ अन्सायगिरिफोरनि गोसोआव गोजोनगलायनाय

वन्डे वर्ल्ड काप 2023 नि उननिफ्रायनो जोखोमनि जाउनाव फोथारनिफ्राय बाइजोआव थाबोदों। जेराव भारतीय हान्जानि थाखाय हारिमायारि मेचआव अस्ट्रेलियानि हेँथायै 2023 आवनो गेलेदोंमोन। जेराव बिथाड वन्डे वर्ल्ड काप 2023 आवबो मोजाडै दिन्थिफुंदों। बिथानि गोहोजोंनो भारतआ फाइनालसिम सौहेनायाव गोले जादों। जेराव शामीआ सेमिफाइनालआव 7 उइकेट लादोंमोन। फाइनालआव मोजाडै बलिं खालामनो हायाखैब्लाबो बिथाड बे कापआव 24 उइकेटलादोंमोन। दासिमआव भारतीय हान्जानि थाखाय शामीआ खेब 64 टेस्ट मेचआव 229 उइकेट, खेब 101 टेस्ट मेचआव 195 उइकेट आरो खेब 23 टी-20 हारिमायारि मेचआव 24 उइकेट लाखांबाय।

## इन्टर स्कूल चिल्ड्रेन चैस टुर्नामेन्टआव जाफुंसारै थुंगेबाय



गुवाहाटी, 12 नभेम्बर: सोर्गोयारि कैलाश नाथ शर्मा मेम'रिएल इन्डोनेसिया इन्टर स्कूल चिल्ड्रेन चैस टुर्नामेन्टनि 6 थि सिजनआ गुवाहाटी नोगोरमनि स्नेहबन्दननि

नब्लाडव जाफुंसारै जोबलांबाय। बे 6 राउन्डयारि सुइस लीगनि बादायलायनायाव आसामनि गुबुन गुबुन फरायसालिफोरनिफ्राय गासै सा 185 बादायारिफोरा बाहागो

लाफेदों। जेराव महर्षि बिध्या मन्दिर 4 आ टुर्नामेन्टआव साबिसिन फरायसालिनि बान्थाखौ देरहायो। महर्षि बिध्या मन्दिर 4 नि चायंक टेहबिल्डर आरो सेन मेरिज एडसएस

फरायसालिनि सारिभ श्रीबर्मनआ हौवासा आरो हिन्जावसाफोरनि केटेगिआव फारियै साबिसिन गेलेगिरिनि बान्थाखौ देरहानो हायो। झूमस स्कूलनि बिभान्दिप डेकाआ बे मीटआव बयनिखुइ उन्दैसिन बादायारि महेर बाहागो लाफेदों। बे टुर्नामेन्टनि फोजोबनाय फोर्बोआव लाइमोन चैस गेलेगिरि मायं चक्रबर्तीखौ मानजों बरायनाय जादों। उन्दैफोरनि थाखाय कैलाश नाथनि गोसोखांथियाव खुंजानाय बे टुर्नामेन्टनि गेजेराजों नोगोरआव चैसनि फासँ सुबुंफोरनि नोजोर बोदों। जेराव ओन्सोलनि गोबां उन्दैफोर आरो लाइमोनफेय गावसोरनि गोसोआव बे गेलेमुखौ जायगा होनो नाजागोन।

## आसामआ सन्तष टुफीआव नागालेन्डजों बादायनो साखा-फारा

गुवाहाटी, 12 नभेम्बर: फेगौ 20 नभेम्बरनिफ्राय मुखालमुवाआव खुंजानो गोनां 78 थि सन्तष टुफी फुटबल सेम्पियनसिपआव आसामनि हान्जाआ गिबियै नागालेन्डजों मोगा-मोगि जागोन। जेराव आसामनि हान्जाया बे मेचआव देरहानानै गुप-इनि फारिआव गिबि मासियाव थानो नाजागोन। आसामनि हान्जाया गुप-इआव नागालेन्ड, अरुनाचल प्रदेश आरो मेघालयजों लाखिजादों। जेराव गुपनिफ्राय देरहानाय हान्जाया फाइनाल राउन्डनि फासँ गावसोरनि आगानखौ आवगायहोनो हागोन। जेराव



बे टुर्नामेन्टनि फाइनालआ फेगौ डिसेम्बरआव खुंजागोन। गुप-इआव गिबि सानखालि थामनिबा फेगौ 20 नभेम्बरआव मेघालयआ अरुनाचल प्रदेश, आसामआ

नागालेन्डनि सेलेन्जआव ओंखारगोन। जेराव 22 नभेम्बरखालि नागालेन्डआ मेघालया, आसामआ अरुनाचल प्रदेशनि सेलेन्जआव ओंखारगोन।

बेनि उनाव फेगौ 24 नभेम्बरखालि आसामनि हान्जाया मेघालयजों गेलेगोन। जेराव अरुनाचल प्रदेशआ नागालेन्डनि सेलेन्जआव ओंखारगोन।

## साब जुनियर स्टेट टाइकन्ड सेम्पियनसिपआव गुवाहाटीआव जागायबाय

गुवाहाटी, 12 नभेम्बर: गुवाहाटी नोगोरमनि डिटिआरिप इन्डोनेसियामआव 39 थि साब जुनियर स्टेट टाइकन्ड सेम्पियनसिपआव जागायबाय। बे सेम्पियनसिपखौ फरायसा आरो लाइमोन जौगाखां बिफाननि थाखाय हादरसा थाखोनि बोसोनगिरि आफादिनि सोद्रोमा नेहाथारि गिथर्ता गस्वामीआ बेखेवनानै होयो। सानथामनि हाबाफारिजों खुंफुंजानो गोनां बे सेम्पियनसिप आ व राइज्योनिफ्राय सा 1100 गेलेगिरिफोरा बाहागो लाफेदों।



जेराव गिबि साननि जोबनायनि उनाव मरानआ गं 11 सनाजों आवगायदों आरो नलबारिआ गं 9 सनानि मेडेलजों नैथि थावनिआव जायगा मोन्दों।

बेबादि थासारिआव अन्सायगिरिफोरा मराननि हान्जाखौनो बे सेम्पियनसिपआव बयनिबो सिगाडाव थाहेंनो हागोनखौ मिर्जिथिदों।

## डिब्रुगड़नि यगा फोरेंगिरि दिपा सेनआ सनानि मेडेल देरहादों

डिब्रुगड़, 12 नभेम्बर: डिब्रुगड़नि यगा दिन्थिफुंगिरि दिपा सेनआ बाबैसो सान सिगां जोबलांनाय बाथि हारिमायारि यगासन स्पर्टस काप 2024 आव सनानि मेडेल देरहादों। पान्जाबनि मन्दि गबिन्दगड़नि देश भागवत मुलुग सोल्लोसालिआव खुंजानाय बे कापआव बिथाडा दोरोडारि बादायलायनाय (ट्रेडिसनेल इन्डेन्ट) आव सनानि मेडेल देरहानानै ओन्सोलआव गोगानाय लाबोदों। जेराव बे इन्डेन्टआव एसियायन स्पर्टस यगासन फेडरेसननि सिडव



यगा स्पर्टस फेडरेसन अफ इन्डियाजों बान्जायजादों। सनानि मेडेल देरहानायनि सायाव गोजोन्नाय फोरमायनानै दिपाआ

बे समाव गावनि मोजां हास्थायग्राफोरनिसिम गावनि थाखाय हेफाजाबआव फेनायखौ साबायख'र हरो। लोगोसे

गावनि सानफोमबो यगा खालामनायखौ फोरमायनानै गावनि फरायसाफोरखौनो यगा फोरोडे होना मिथिहोयो। सिगां

फासँ बिथाड बयखौबो पीट आरो सावसि गोनां थानो थाखाय यगा खालामनांगोननि गोनांथिखौ फोरमायो। लोगोसे सोलिफु समाव मुखब जिउ खुंनाय थासारिनि जाउनाव बयबो जिं गायाव गोरलैनायखौ फोरमायनानै बेनिफ्राय रेहाय मोन्नो यगानि गोनांथिखौ फोरमायदों। बिथाड सोलिफु बोसोरनिनो थानाय जुन दानआव इएइनि दुबाइआव खुंजानाय थामथि एसियायन यगासन स्पर्टस कापआवबो सनानि मेडेल लाबोनो हादोंमोन।